



# ბრძოლა

ყოველთვიური ორგანო საქ. ს.დ.-დემ. || «LA LUTTE» — Revue mensuelle du  
მუხ. პარტ. სახვადგარეოთელ ბიუროსი || Parti Social-Démocrate Ouvr. de Géorgie.

ფასი 3 ფრ. | პარიზი, ოქტომბერი 1925. N° 4. Paris, Octobre 1925. | Prix 3 Fr.

1725  
1925

## მ ა რ ხ ე ლ შ ი.

სოციალისტური ინტერნაციონალი კამბურგში გამართულდა ორგანიზაციულად და იდეურად, მარსელში პოლიტიკურად და ტაქტიკურად.

კამბურგში მან აღმართა დროშა სოციალიზმისა და ზედ მოქარგა მისი ძირითადი დებულებანი.

მარსელში ეს დებულებანი მან ჩამოასხა მიმდინარე პოლიტიკათ და გახადა სოციალისტური საქმიანობის კალაპოტათ.

რა საკითხებში მიიპყრო ინტერნაციონალის ყურადღება მარსელში?

ეს ის საკითხებია, რომელიც დღეს იპყრობს ქვეყნის ყურადღებას—საკითხი ომის და ზავის, დაცემის და აღორძინების. თავისუფლების, და მონობის, კულტურის თუ ველურობის.

ამ ქამათ დასავლეთში წარმოებს დიდი ისტორიული დავა სოციალიზმს და კაპიტალიზმს შორის. თუ წინეთ, ომის წინ, ინტერნაციონალი წარმოადგენდა მომავალი წყობილების მოციქულთა კრებულს, რომელიც ქვეყნათ ახალ სახარებას ღაღადებდა, ახლა ის უკვე შეიჭრა ცხოვრების შუაგულში და თავის მჭრელ სიტყვას საქმეთ აქცევს. აქ მას ეჯახება ბურჟუაზიის ტრადიციული პოლიტიკა და გაჩაღდა ბრძოლა ამ ორ ბანაკს შორის.

მსოფლიო ომმა, ქვეყნის ასე გაჩანაგებამ და დარბევამ სამუდამოთ დაუქარგა პრესტიჟი ამ უბედურობის მეთაურს—ბურჟუაზიას და განაღდა სოციალიზმი. საზოგადოებას სიტყვა-სიტყვით აუსრულდა სოციალისტების გაფრთხილება. ჟორესის, ბებელის, გედის და მრავალ სხვა ლიდერთა ნათქვამი. იმპერიალისტური პოლიტიკა საქვეყნოთ გაკატრდა, სოციალისტური პოლიტიკა აუცილებელი შეიქნა.

მარსელის კონგრესი აღარ იყო ყრილობა მქადაგებულთა, იქ არ ისმოდა ხმა მღაღადებელისა უდაბნოსა შინა; პირიქით, ეს გახლდათ კრება სახელმწიფო მოღვაწეთა, პრაქტიკული პოლიტიკის გამტარებელთა. მისი ერთი სხდომის თავმჯდომარეობა ბელგის და შვეიცის სოციალისტი მინისტრების მიერ უტყუარი ნიშანია სიტყვის საქმეთ გადაქცევის, რეზოლიუციის სახელმწიფო აქტში განხორციელების.

ამიტომ სრულიად გასაგებია ის ინტერესი კონგრესისადმი, რომელიც ქვეყანამ გამოიჩინა. აქ წყდება მისი ზვალინდელი ბედი, აქ იყრება მისი ზვალინდელი შენობის საძირკველი. როგორი უნდა იყოს ეს საძირკველი? რაზე დაეყრდნოს საზოგადოება? რა გზით შეიძლება მისი აღორძინება და განვითარება?

ევროპაში ორნაირი პოლიტიკური საზოგადოებაა—დასავლეთის და აღმოსავლეთის, რომელნიც იმყოფებიან ორ სხვადასხვა მდგომარეობაში. პირველს ემუქრება კაპიტალისტური იმპერიალიზმი, მეორეს კი კომუნისტური იმპერიალიზმი. ამიტომ მარსელში ეს ორი საკითხი ცალკალკე იქნა დასმული და მათ ირგვლივ დატრიალდა მთელი მუშაობა.

საზოგადოება უნდა აეგოს მშვიდობიანობაზე, ზავზე. ეს ძირითადი დებულებაა სოციალიზმის.

საზოგადოება უნდა აეგოს ომზე, დაპყრობაზე—ეს ასეთივე ძირითადი დებულებაა ბოლშევიზმის. ამ ორ მოპირდაპირე ბანაკს შორის დავს ბურჟუაზია, რომელი ერთი შტო—მილიტარისტული და ფანისტური ებჯინება ბოლშევიზმს, ხოლო მეორე—პროგრესიული და პაციფიური—სოციალიზმს. პირველი ლამის ისტორია უკან შეატრიალეს, მიღწეული საფეხური დემოკრატიის და თავისუფლების მოსპობს და მის ალაგას ძალბომრეობა გააძეფოს. ომი გარეთ, რეაქცია შიგნით—აი რას უშნადებს ის კაცობრიობას. მეორე მიმდინარეობა ამას სასეებით ეწინააღმდეგება, დემოკრატია და პაციფიზმი მისი ერთადერთი ფარხმალია, აქ ერთდება პროლეტარიატი და მოწინავე ბურჟუაზია, ერთდება, მარა არ ითქვიფება. მარსელის კონგრესმა მათ შორის გაავლო ზღვარი, განასხვავა სოციალისტური პაციფიზმი ბურჟუაზიულისაგან. უკანასკნელი ომს აღიარებს უცაბედ, შემთხვევით მოვლენათ, გლახა დიპლომატების და მინისტრების შეცდომათ. შესცვალეთ უვარგისი მართველი ვარგისიანით და ქვეყნათ მშვიდობიანობა დამყარდება. სოციალიზმი კი, პირიქით, აღიარებს ომს აუცილებელ მოვლენათ კლასიურ საზოგადოებაში. ომი კლასთა შორის ბადებს ომს ერთა შორის. მოსპეთ კლასთა ბატონობა, გააუქმეთ მისი უკანასკნელი ფორმა—კაპიტალიზმი, დაამყარეთ სოციალიზმი და ომი შიგნით და გარეთ მოისპობა, ნამდვილი დემოკრატია ერთად ერთა შორის გაბატონდება...

აი ამ ძირითადი პრინციპიალური განსხვავებით იწყება მარსელის რევოლუცია—«მშვიდობიანობის პოლიტიკა». ის ამბობს:

«ეკონომიური კონკურენციის რეჟიმი ერთმანეთს აჯახებს ყველა ნაციონალურ კაპიტალიზმს, რომ მოიპოვონ დასამუშავებელი მასალა და ბაზარი, გაყვლიფონ მუშათა მასა, დააგროვონ დიდნი კაპიტალი და ხელთ იგდონ ფინანსიური ბატონობა. ასეთი რეჟიმი რჩება ძირითად მიზნათ ომის საშიშროების...»

სოციალისტური რევოლუცია ბოლოს უდებს ომს. კომუნისტური რევოლუცია კი, პირიქით, ხდება წყაროთ ახალი ომიანობის. ბოლშევიკებმა დაამყარეს რა «კომუნისმი», გადაიქცენ მილიტარიზმის და მსოფლიო სისხლის ღვრიის მოციქულებათ. საკმარისი იყო მარტო ეს ერთი თანდაყოლილი ჩირქი მთელი მათი აზროვნების და წყობილების ამოსადგებათ. პროლეტარიატი და მისი მიმყოფი მებრძოლები ელასებით თავს იყრიან სოციალიზმის დროშის ქვეშ. ვინაიდან აქ ხედავენ ისინი პირველ ყოვლისა მშვიდობიანობის ნამდვილ დამცველთ. მარა საბოლოო მიზნის მიღწევამდე არა ერთი და ორი ომი შეიძლება ატყდეს, სანამ პეტრე მოვა, პავლეს ტყავი გაძვრეს. ამიტომ პროლეტარიატი იბრძვის არსებულ პოლიტიკურ საზღვრებში ომის თავიდან ასაცილებლათ და ხალხთა ურთიერთობის მოსაწესრიგებლათ. აქაც, ის დიდად ნსხვავდება ბურჟუაზიულ პაციფისტებისაგან. ესენი ფიქრობენ არსებული საერთაშორისო ურთიერთობის დაცვით, დადებული ტრაქტატების შესრულებით მშვიდობის გამეფებას. მათთვის ვერსალის ზავი, მავ, ხელშეუხებელი მცნებაა, მისი შეცვლა ან შესწორება მომაკვდინებელი ცოდვია. სოციალისტური ინტერნაციონალი კი ფიქრობს ზავის დამგრებას არსებულ ხელშეკრულებათა გადაზინჯვით, უსამართლო საზღვრების გასწორებით, დამოუხელო ერთების განთავისუფლებით, ომიანობის უახლოესი მიზნების მოსპობით. ერთა ლიგა უნდა გახდეს იორალათ ასეთი განასხვავებების. ამ პოლიტიკურ აღმშენებლობას უნდა მიეცეს შესაფერი ეკონომიური საფუძველი. ლიგამ უნდა ზვალყური ადვენოს საწარმოო კონფლიქტებს, ამ მიზნით შექმნას განსაკუთრებით ეკონომიური საბჭო, ჩაერიოს და მოაწესრიგოს საერთაშორისო შეჯახება დასამუშავებელი მასალის განაწილების ნიადაგზე, ყოველნაირი კონფლიქტი ხალხთა შორის უნდა გადაწყდეს სავალდებულო არბიტრაჟით. არბიტრაჟის უარისმყოფელი ჩაითვლება დამცემთ და ყველა სახელმწიფოთა რისხვა მის წინააღმდეგ მიმართება.

როგორც ხედავთ, მარსელის გეგმა შეიცავს სრულ განახლებას არსებულ საერთაშორისო პოლიტიკური და მატერიალური ურთიერთობის. ის მას ათავსებს ერთ გარკვეულ კალაბრტში, ამარტივებს და დარაჯათ უყენებს მოწინავე კაცობრიობას. ამ პირობაში ომის გამომწყვები, სხვისი დამპყრობი დაუყონებლივ მიიღებს შესაფერ სასჯელს. ყველა ნაბიჯი ამ მხრით გადადგმული არის ეს ნაწილობრივი შეთანხმება (პაქტი) ერთა შორის თუ საერთო სავალდებულო შეთანხმება (პროტოკოლი) მისაღები და აღსასრულებელია.

«აი ამ შეხედულებას მუშათა სოციალისტური ინტერნაციონალის კონგრესი

უპირდაპირებს, ამბობს რეზოლიუცია, შეხედულებას ბოლშევიზმისას, რომელიც სოციალიზმის აღმანერებელი ნების ყოფის ალაგას აყენებს ბრმა დანგრევის ოცნებას და მით აგვიანებს იმ ქამს, როცა პროლეტარიატი, ბატონი თავის ბედისა, შესძლებს განახორციელოს თავისი სრული განთავისუფლება კეთილ დღეობაში» და სხვ.

ასეთია კონგრესის განაჩენი დასავლეთ ევროპის მწვევე საკითხებზე.

ამოსავლეთ ევროპის მდგომარეობა, როგორც ვთქვით, რამოდენიმე განსხვავებულია. ნაციონალური სახელმწიფოები დასავლეთში დიდი ხანია არსებობენ და მათ არსებობას არავინ ემუქრება. აქ დგას არა ერის სუვერენიტეტის საკითხი, არამედ საკითხი ეკონომიური კონფლიქტებისა, სტრატეგიული და ისტორიული შუღლისა, კოლონიების მოვლა-პატრონობისა—ერთი სიტყვით წინააღმდეგობანი კაპიტალისტური იმპერიალიზმისა. იქ, ამოსავლეთში, ნაციონალური სახელმწიფოები ახლათ დაარსებულია, ზოგმა განთავისუფლებულმა ნაციამ კვლავ დაკარგა დამოუკიდებლობა, ყველა ამათ ემუქრება ახლათ აღორძინებული ბოლშევიკური იმპერიალიზმი, ემუქრება არა მარტო მათ ეკონომიკას, მათ ამა თუ იმ კერძო მხარეებს, არამედ მთელ მათ არსებობას, მათ სუვერენობას, მათ დამოუკიდებლობას. მათ ესაზღვრება ეს უშველებელი მოლოხი და უპირებს გადაყლაპვას.

და აი ამ საკითხში ინტერნაციონალმა ვერ გამოიჩინა საკმაო ერთსულოვნება. კიდევ მეტი, აქ ინტერნაციონალი გაიყო ორათ, ერთი მხრით დღედა ყველა ახალ დარსებული სახელმწიფოები საფრანგეთ-ბელგიის მეთაურობით, მეორე მხრით ინგლის-გერმანიის მიმყოფნი. ეს იწვევით ამბავი სოციალისტური ინტერნაციონალისა აიხსნება თვით საკითხის სიახლით და გაურკვევლობით. ახალმოდის ბოლშევიკური იმპერიალიზმი აღორძინდა ეს რამდენიმე წელია, ის ნათელი გახდა საქართველოს დაპყრობამ. მას ჯერ ვერ შეეჩვია, ვერ გაეცნო დიდი სახელმწიფოების სოც. პარტიები, რომლის მუშაობა თავის შინაური იმპერიალიზმით ისაზღვრება ეს რამდენიმე თვეული წელია. მათ აწუხებს საკუთარი იარაღ შორეულს ჯეროვანათ ვერ აფასებენ. მართალია არც ერთი ეს პარტია დღეს ბოლშევიზმს აღარ რაცნს რევოლიუციურ ან სოციალისტურ ელემენტათ, არც ერთი ის მას მხარს არ უჭერს პოლიტიკურ ბრძოლაში. პირიქით, მთელი პრაქტიკა ინტერნაციონალისა მოწმობს იმას, რომ ბოლშევიზმის წინააღმდეგ ის ილაშქრებს ხშირათ პროგრესიული ბურჟუაზიის გვერდით, ხოლო მის მომხრეთ არასოდეს არ გამოდის. ერთათ-ერთ გამანაკლისს შეადგენს ავსტრიის სოც.-დემ. პარტია, რომლის ლიდერს ბაუერს კიდევ სწამს ბოლშევიკების სოციალისტობა. ის ჩამოთვლის ყველა უარყოფით მხარეებს კომუნისმისას, მასში ქვას ქვავზე არ ტოვებს, მარა დასკვნას მოულოდნელს აკეთებს: «ყოველ შემთხვევაში ის მაინც სოციალიზმია. ამ საერთო სოციალიზმიდან, მიუხედავათ ყველა წინააღმდეგობისა ჩვენ შორის, გამომდინარეობს შედარებითი ერთობა ინტერესებისა, რაც არ უნდა იყოს დავიწყებული».)

და მართლაც, კონგრესის კომისიაში, სადაც ეს საკითხი ირჩეოდა ერთათ-ერთ ბაუერი გამოდიოდა პრინციპალური მოსაზრებისაგან ბოლშევიზმის სასარგებლოთ, რასაც დაუპირდაპირდა ასეთივე პრინციპალური მოსაზრება ბოლშევიზმის საწინააღმდეგოთ. აი ამ ორი მიმდინარეობის შეჯახებამ მოგვცა კომპრომისული რეზოლიუცია, რომლის შესახებ ბაუერი ამბობდა—მას მე ვერ დავიცავ. ეს ჩემი აღარ არისო, თუმცა ნიჟიერათ დავიცვა კონგრესის სხდომაზე.

რასაკვირვლია, ბაუერის მთელი ზემოთ მოყვანილი მოსაზრება ბოლშევიზმზე ძირბუღიანათ ეწინააღმდეგება ინტერნაციონალის შეხედულებას. ბოლშევიკების სოციალისტობა მას არ სწამს და აქედან გამოდის მისი ტაქტიკა—ბრძოლა მასთან თუნდაც მარცხენა ბურჟუაზიის დახმარებით. თვით ავსტრიაშიაც ეგვევ ტაქტიკა გამეფებული და მამასადამე ბაუერის შეხედულება უნიადაგო დოქტრინერობაა. და თუ მას რამდენიმე გასავალი მიეცა მარსელში—ამის ბრალია დიდი პარტიების დატვირთვა შინაური მუშაობით და ნაკლები ყურადღების მიქცევა შორეული კუთხეებისაკენ.

რას ამბობს რეზოლიუცია?

რეზოლიუცია ეკლექტიურია, სხვადასხვა დებულებათა კრებულა; მას აკლია სწორი პრინციპალური დაფასება ბოლშევიკური იმპერიალიზმისა. ის აღიარებს

\*) იხ. მისი წერილი «კამფში», აგვისტოს ნომერი.

ბოლშევიკურ მოძღვრებას მიზნათ ომის გამოწვევისა, მარა ამ საფრთხეს ის არ უთანხმოებდა კაპიტალისტური იმპერიალიზმის ომის საფრთხეს. ბრძოლა ორივესთან ერთნაირი უნდა იყოს; რევოლუცია კი არ უსვამს ამ თანახმობას ხაზს.

ამით აიხსნება რევოლუციის ერთი ორკუთხედი დებულება—სოციალისტური პარტიები უნდა ებრძოდნენ აგრესიულ პოლიტიკას საბჭოთა რუსეთის წინააღმდეგო. აგრესიული პოლიტიკა, როგორც ომის დასაბამი, რასაკვირველია დასავლობია ყველ შემთხვევაში, მარა როცა ამ მხრით მარტო საბჭოებია გამორჩეული, შეიძლება იფიქროს—ინტერნაციონალის ვალია ომის კონფლიქტში საბჭოების მხარი დაიჭიროსო. შეიძლება ასეთი იყო სურვილი ბუერის და მისი მიმდევრების, მარა მთელ რევოლუციიდან ეს აღარ გამომდინარეობს. რაკი ბოლშევიკური ხელისუფლება აღიარებულია ომის ერთ ფერმენტათ და ანექსიონისტათ, აშკარაა ომი რუსეთის და სხვა დიდ სახელმწიფოს შორის ნიშნავს შეტაკებას ორი იმპერიალიზმის ინტერესებისა. აქ კი სოც. პარტიის პოზიცია ერთათ-ერთია—ორივეს დამარცხება. დემოკრატიის და სოციალიზმის მიერ. დემოკრატიული და ნაციონალური რევოლუცია რუსეთში—აი ერთათ-ერთი პასუხი საბჭოთა საომარ ავანტიურაზე. ინტერნაციონალი სხვა პოზიციას ვეღარ დაადგება მარსელის რევოლუციის შემდეგ. გაქრა ის დრო, როცა მოსკოვ-პოლონეთის ომში დასავლეთის სოც. პარტიები პირველს ამაგრებდენ. მაშინ კიდევ სწამდათ ბოლშევიკების სოციალისტობა. შემდეგ ყველა პარტიამ ცალცალკე და ახლა ერთად მარსელში სამუდამოთ წესი აუგეს ამ ილიუზიას და ბოლშევიზმს ნიღაბი ახადეს.

კამერტთან შედარებით, მარსელმა ამ დარგშიაც დიდი ნაბიჯი გადადგა წინ. იქ საბჭოთა შინაურ საქმეში პირდაპირ ჩარევაზე უარი თქვეს და მხოლოდ რუსეთის სოციალისტურ პარტიებს დაუჭირეს მხარი მათ მოთხოვნილებაში. (აქაც ინგლისელებმა თავი შეიკავეს). აქ კი იმავე ინგლისელების წინადადებით კონგრესი პირდაპირ ითხოვს რუსის ხალხისაგან ბოლო მოუღოს საბჭოთა ტირანიას და დაამყაროს დემოკრატიული წყობილება; კიდევ მეტი, ინტერნაციონალი მოუწოდებს საბჭოთა ქვეშევრდომთ შეებრძოდნენ თავის მთავრობის აგრესიულ და ანექსიონისტურ პოლიტიკას. დემოკრატიული ჩარევა რუსეთის საქმეებში ფაქტია. ცხადია, ინტერნაციონალის აზრით, ბოლშევიკური ხელისუფლება არის აგრესიული, ანექსიონისტური და ტერორისტული. არც ერთ კაპიტალისტურ მართველობას ასეთი სასტიკი განაჩენი მისგან არ მიუღია. მაგალითებიც იქავეა დასახელებული—სომხეთი, საქართველო, უკრაინა და სხვა რევოლუციით განთავისუფლებული ერების ხელახალი დაპყრობა. ინტერნაციონალი ითხოვს მათ აღდგენას. დასავლეთში ყველა ერს აქვს დამოუკიდებლობა და კითხვაა მხოლოდ მათი უმცირესობის უფლებათა დაცვაზე. რუსეთში კი მთელი ერებია პატივყარილი და დამონებული. ამ მხრითაც ბოლშევიკური რეჟიმი სამარცხინო ბოძზე არის გაკრული.

ამ ნაირათ, მარსელში კომუნისტური წყობილება პირველათ ტარდება ინტერნაციონალის სასტიკ კრიტიკაში და ლებულობს დამსახურებულ მსჯავრს. ბრძოლა ამ წყობილებასთან სასტიკი და დაუნდობელი—აი ერთათ-ერთი დასკვნა ამ მსჯავრისაგან. და თუ მაინც წარმოდგენილ პარტიათა და ერთა დიდ უმრავლესობამ რევოლუციის ხმა მისცა მოტივების განცხადებით, ეს მხოლოდ იმიტომ, რომ ესენი კიდევ უფრო სასტიკ განაჩენს ითხოვდენ და ბოლშევიკური იმპერიალიზმის პრინციპიალურათ დადასტურებას აღიარებდენ.

დანარჩენ საკითხებს ასეთი მწვავე დავა არ გამოუწვევია და რევოლუციებიც ერთსულოვნათ იქნა მიღებული.

სოციალისტური ინტერნაციონალი საბოლოოთ გამთვლებულია. მკიდროთ შეკავშირებულა, ერთი აზრით, ერთი გრძობით გამსუვალულია. ის დღეს უდიდეს როლს თამაშობს საერთაშორისო პოლიტიკაში, მას უსმენენ მტრები, მასზე იმედს ამყარებენ მოყვარენი, მის ირგვლივ თავს იყრიან სასიცოცხლო ძალები. ეს ფონი ყველაზე უფრო საიმედოა და მისი დანმარებით გავალთ ჩვენც.

## ქიათურის შავი ქვის ბედი.

საბჭოთა პრესაში ძალიან ბევრი დაიწერა ქიათურის კონცესიის შესახებ: მოწინავე წერილები, მოხსენებები, ინტერვიუები, საპროპაგანდო ტენისები. ცდილობენ დაამტკიცონ, რომ ამ კონცესიას დიდი პოლიტიკური და ეკონომიური მნიშვნელობა ექნება საქართველოსთვის კერძოდ და საბჭოთა კავშირისთვის საზოგადოდ; რომ პირობები კონცესიონერისთვის ისე მძიმეა, რომ მხოლოდ ამერიკელ კაპიტალისტთა კომპანიას თუ შეეძლო ასეთ პირობებზე ხელის მოწერა, თორემ სხვა ვერავინ გაბედავდა; რომ პარიმანთან დადებულ ხელშეკრულებით მოგებულია საბჭოთა მთავრობა და ქართველი ხალხი და სხვ. და სხვ.

გავსინჯოთ გულდასმით, თუნდაც იმ ცნობების მიხედვით, რასაც თვით საბჭოთა პრესა აქვეყნებს, ეს ამიერიდან ისტორიული ხელშეკრულება.

იმის პოლიტიკურ მხარეს ჩვენ ხელა არ ვეხებით; ის, რაც ამის შესახებ ჩვენს გაზეთში უკვე დაიწერა, საკმარისად მიგვაჩინა. აღვნიშნავთ მხოლოდ, რომ ბოლშევიკები დიდ პოლიტიკურ შედეგს მოელოდნენ ამ კონცესიიდან—საბჭოთა პოლიტიკურ მდგომარეობის განმტკიცებას. ამერიკასთან დაახლოებას და სხვ. გაამართლებს თუ არა მომავალი ასეთ იმედებს, ეს სხვა საქმეა, მაგრამ ხელშეკრულების პირობების გაცნობა ჩვენც სწორედ იმაში გვარწმუნებს, რომ რუსეთის საბჭოთა რეჟიმის განმტკიცების და, მაშასადამე, რუსეთის საქართველოზე ბატონობის იდეას თუ შეეწირა მსხვერპლად ჩვენი ქვეყნის ეს უდიდესი დოვლათი, თორემ სხვა არაფერი გარდა უსაზღვრო ზარალისა ამ კონცესიიდან არ სჩანს და არამც თუ ჩვენი ხალხისთვის, თვით საბჭოთა ხაზინისთვისაც. ამიტომ საკვირველია სწორედ, რომ ბოლშევიკები კონცესიის პოლიტიკური მხარის დაცვას არ ჯერდებიან და ჭეშმარიტად გასაოცარის უტიფრობით ცდილობენ ამ კონცესიის ეკონომიურ მხარის არამც თუ დაცვას, არამედ იმის უაღრეს მნიშვნელობის დამტკიცებასაც.

ქიათურის მრეწველობას ისეთი თვალსაჩინო ადგილი ეჭირა საქართველოს ეკონომიურ ცხოვრებაში ამ უკანასკნელ 25—30 წლის განმავლობაში. იმას ისე კარგად იცნობს ჩვენი თაობა, რომ სოფელ პერევისის იმ საწყალმა ჩალვადარმაც, ქიათურის რკინის გზის ბაქანს რომ არ გასცილებია, კარგად იცის ქიათურის შავი ქვის ღირსება და მნიშვნელობა. ამიტომ სრულიად გასაკვირი არ არის, თუ ბოლშევიკურ პროპაგანდამ ვერ გასჭრა და პარიმანთან დადებული ხელშეკრულება, როგორც თვითონ შ. ელიავამ საქართველოს პროფსაბჭოს გაფართოებულ პლენუმზე განაცხადა, ჩვენ საზოგადოებაში და თვით კომუნისტურ პარტიის ჯგუფებშიც კი დასხვადასხვა მიტქმა-მოთქმას იწვევს. მართლაც, საბჭოთა «ექსპერტებს» ინდოეთ-ბრაზილიის შავი-ქვის წარმოების რევიზიის მაგიერ საკუთარი ქვეყნის წარმოება, თუნდაც ამ უკანასკნელ წლების სტატისტიკის მიხედვით (თუ ამ სტატისტიკის ცოტა-რამე თვითონ მაინც სჯერათ) რომ გაეთვალისწინებიათ, პარიმანის პირობებზე ხელის მოწერას ვერ ურჩევდენ კონცესიის ბედის გადაწყვეტთ და თუ ეს ურჩიეს, ის მაინც უნდა ეთქვათ, რომ ამ კონცესიის ეკონომიურ მხარის საჯაროდ დაცვა შეუძლებელია. პარიმანი ჩვენში, რასაკვირველია, თავის მოსატყუებლათ არ წამოსულა, როგორც ეს საბჭოთა პრესას სურს ქვეყანას მოაჩვენოს; პირიქით, ის უთუოდ დარწმუნებული იყო, რომ თუ ახლა არა, იგი ვერასოდეს ხელში ვერ ჩაიდგებდა ასე მუქთად თავისი ხარისხით, რაოდენობითა და მდებარეობით მსოფლიოში საუკეთესოდ ცნობილს ქიათურის შავ ქვას. და ასეთი მინიმოსაზრება გამართლდა კიდევ: საბჭოთა მთავრობასთან დადებულ ხელშეკრულებაში პარიმანმა მიაღწია ყოველგვარ, სწორედ გაუგონარ, დათმობებს და გარანტიებს. ახლა ეს ხელშეკრულება, ეს სამარცხვინო აქტი, ბოლშევიკებს სურთ დიდ სასიკადაულო საქმეთა გაასაღონ. მერე რა საბუთებით?

საბუთი პირველი არის პრინციპიალური მოსაზრება, მოსაზრება მეტად საინტერესო. «კონცესიით გაცემავი, სწერს საქ. კომ. პარტიის ცენტრალური კომიტეტი საოლქო და სამაზრო კომიტეტებისთვის დაგზავნილ საპროპაგანდო ტენისებში, დასაშვებია სახაზხო მეურნეობის ისეთ დარგის, რომელსაც ან სრულებით არ საჭიროებს ჩვენი წარმოება და მისი პროდუქტია მთლად სასაზრო-გარეთ იგზავნება, ან და ეს დარგი იმდენად მდიდარია ჩვენს კავშირში, რომ შინაგან საჭიროებას სჭარბობს

და ზედმეტის კონცესიით გაცემა შესაძლებელიაო (იხილე ცომუნისტი) №1433).

არც კერძო მრეწველობაში, არც სახელმწიფო მეურნეობაში ასეთი პრინციპით ჯერ არსად უხელმძღვანელებიათ. გონიერი მრეწველი, მაგალ., ხელს უჭერს და ძვირათ აფასებს არა იმას, რაც მხოლოდ მას ესაუკირებდა, არამედ იმას, რაც მყიდველისთვის არის საუკირო და აუცილებელი და თუ მასთან არ იყიდა, სხვასთან იმას ვერ იშოვებს: კონკურენტის, ხარალის ასეთ შემთხვევაში მას არ ეშინია, რადგან მისი მდგომარეობა არის მონაპოლიური. სახელმწიფო კი ისეთ ნაწარმოებით, რაც «მთლად სახლვარ-გარეთ იგზავნება», საეაქრო ბალანსის გასაუმჯობესებლათ სარგებლობს და უცხოელებს ასეთ საუკირო იარაღს ადვილათ ხელში არ ჩაუგდებს ხოლმე. მაგრამ უკრაინის მრეწველობის საკონცესიოთ გაცემის დამახასიათებელი მაინც სულ სხვაა და არა «საკუთარი საუკიროების» თუ «სახლვარ-გარეთ გასატან საქონლის» სახეში). ჩვეულებრივით სახელმწიფო საკონცესიოთ იძლევა დაუმუშავებელს, ხშირათ სიმდიდრის მხრივაც საეკუო რაიონებს, ყოველ შემთხვევაში ისეთ სიმდიდრეს, რომელზედაც თუ წინასწარ დიდი თანხა არ დაიხარჯა, იგი მკვდარია და გამოუსადეგარი; ხოლო თვით სახელმწიფოს არ ძალუძს ასეთ საქმეზე ბევრი ფულის დახარჯვა, ან სხვა უფრო საუკირო საქმეები მრავალი აქვს გასაკეთებელი. ვინც ასეთ «მკვდარ სიმდიდრეს» ამოძრავებს, ამისთვის «რისკს» გასწევს და კაპიტალის შემოტანას იკისრებს—აი იმას სახელმწიფო განსაკუთრებულ შედავებებსაც აძლევს. ასეთი პრინციპით ხელმძღვანელობენ ყოველგან, წარმოიდგინეთ სპარსეთშიც, ჩინეთშიც, აფრიკაშიც. ისეთი მოწყობილი სამრეწველო რაიონის საკონცესიოთ გაცემა, რომელსაც უკვე მილიონები შემოაქვს, ჯერ არ გავანიალა, გარდა იმ შემთხვევებისა, როცა გამარჯვებული სახელმწიფო დამარცხებულს ხელს აადებინებს ხოლმე ცნობილ სამრეწველო რაიონზე კონტრიბუციის სასწრაფოთ გასანაღებლათ; მაგრამ ამას უკვე კონცესიას კი არ ეძახიან, არამედ «სანკციას», ძალდატანებას...

რუსეთსა და საქართველოს თითქმის ყოველგვარ ნაწარმოებში ყავს მსოფლიო ბაზარზე კონკურენტები, არ ყავს მხოლოდ მარგანეცში; რუსეთისა და საქართველოს ტერიტორიაზე უკრაინის მრეწველობა იყო ერთად ერთი დარგი, რომელიც გადარჩა ნგრევას და თითქმის განუწყვეტლივ (არმისტიის შემდეგ) დიდ შემოსავალს იძლეოდა. და აი ასეთი პრივილეგიური მდგომარეობა, ასეთი გაჩაღებული მრეწველობა საბჭოთათ ხელისუფლებამ «პრინციპიალურ» მოსაზრებით ამერიკულ კაპიტალისტ დაუთმო: «შავი ქვა ჩვენ მაინც არ გვესაუკიროებდა და იმის «პროდუქცია» მთლათ სახლვარ-გარეთ იგზავნებოდაო! «პროდუქცია» თუ არ ესაუკიროებოდათ, ამ «პროდუქციიდან» შემოსული ფული ხომ მაინც ესაუკიროებოდათ; ხოლო ამ შემოსავალის ანგარიში რომ კიდევ უფრო საინტერესოა, ვინემ «პრინციპიალური» მოსაზრება, ამას ჩვენ ქვევით დავინახავთ.

საბჭოთათ მეორე—საკონცესიო წარმოებაში ჩასადები კაპიტალის სიდიდე. პირობის თანახმათ კონცესიონერი ვალდებულია აავსოს სამადნო რაიონში მექანიკური სატრანსპორტო მოწყობილობა, გასარეცნი ქარხნები, გადააკეთოს საჩხერე-ზესტაფონის ვიწრო რკინის-გზის ლიანდაგი ფართე ლიანდაგათ. მოაწყოს ფოთში ელევატორი და ყველაფერ ამანე უნდა დახარჯოს 4 მილ. დოლარი (დაახლ. 8 მილ. მანეთი). ეს არის კონცესიონერის უმთავრესი ვალდებულება, რასაც ბოლშევიკების გული მეტათ აუტყეობია. ")

მართლაც, უკრაინა რომ უდაბნო იყოს, იქაური მადანი გამოსაკვლევი და წარმოება ახლად მოსაწყობი, 4 მილ. დოლარის ვალება კონცესიონერის მიერ თუ დიდი არა, მაინც თვალსაჩინო იქნებოდა; მაგრამ უკრაინაში ხომ გვარიანი დიდი ხნის წარმოება არსებობს; იყო წლები, როცა აქედან თამამათ გაქონდათ იმაზე მეტი ქვა (მაგ. 1913 წ.—1.061.730 ტონა). რაც ახლა, როგორც მინიმუმი, დაკისრებული აქვს კონცესიონერს (800.000 ტონა) და მოსახერხებელი იყო მეტის დამზადება და ექსპორტი, თუ ამის მოთხოვნილება იქნებოდა. ასე რომ კონცესიონერმა არაფერიც რომ არ შემატოს უკრაინაში...

\*) «ლენა-გოლდფილდ»-ის (ლენის ოქროს მადნები) კონცესიის განხორციელება-საც ძალიან შეხარიან ბოლშევიკები; საინტერესოა ვიცოდეთ, ნუ თუ იმიტომ, რომ ოქროსაც «აღარ საუკიროებს» საბჭოთათ სახელმწიფო?

\*\*) ყოველივე ამ გაუმჯობესებათა გეგმა დიდი ხანია არსებობდა და თვითონ უკრაინის მრეწველები მზათ იყვნენ ეს მოეწყოთ, რომ დასცლოდათ.



თურაში უკვე ჩადებულ «კაპიტალს», ის არამც თუ მინიმუმს, მეტსაც ადვილათ განი-  
დავს. ჭიათურის დღევანდელი მოწყობილობა ფასდება 80 მილ. მანეთი; ამ ქონებით  
კონცესიონერი მუქთად ისარგებლებს 20 წლის განმავლობაში; ხოლო ჰარიმანის კონ-  
ცესია რომ ჩვეულებრივ კონცესიას გავდეს, ე. ი. ჭიათურაში რომ წარმოების ახლად  
მოწყობა იყოს საჭირო, მას, კონცესიონერს, წარმოების დღევანდელ დონეზე დასაყე-  
ნებლათ დასჭირდებოდა აღნიშნული 80 მილ. მანეთის ქონების შექმნა ჭიათურაში,  
როგორც ეს ყოფილა მრეწველებმა და სახელმწიფომ შექმნეს და ეს ქონება, როგორც  
საზოგადოთ შემოღებულია. კონცესიის ვადის გასვლის შემდეგ სახელმწიფოს უნდა  
დარჩენოდა. ახლა კი ჰარიმანი თავისუფალია ასეთ ხარჯიდანაც (80 მილ. მან.) და ამ  
თანხის სარგებლობიდანაც, რაც (სარგებელი) 4 პროც. რომ ვიანგარიშით 20 წლით  
შეადგენს 64 მილ. მანეთს. ესე იგი: კონცესიონერი თავისუფალია 144 მილ. მანეთის  
ხარჯიდან, სამაგიეროდ მან იკისრა მხოლოდ 8 მილ. მან. დახარჯვა. ამას ქვია ბოლშე-  
ვიკების აზრით კონცესიონერის მიერ დიდი კაპიტალის წარმოებაში ჩადება და დი-  
დი «რისკი»!

ს ა ბ უ თ ი მ ე ს ა მ ე —სატონო გადასახადის და მთავრობის შემოსავლის რაო-  
დენობა.

ზემოთ აღნიშნულ დათმობების საკომპენსაციოთ სახელმწიფო ახდევინებს კონ-  
ცესიონერს განსაზღვრულ გადასახადს. «კონცესიის მიღებისთვის და, კერძოდ, უფლე-  
ბების და პრივილეგიების მინიჭებისთვის კონცესიონერმა მთავრობას უნდა გადაუხა-  
დოს სატონო გადასახადი 3 დოლარის რაოდენობით თვითეულ გატანილ მშრალ ტონა-  
ზე პირველ სამი წლის განმავლობაში და 4 დოლარის რაოდენობით კონცესიის შემ-  
დეგ წლებში»-ო, ვკითხულობთ საბჭოთა გაზეთებში.

პირველ შეხედვით ეს კარგი გადასახადია. მაგრამ, არის მართლა ამ გადასახადში  
რაიმე კომპენსაცია სახელმწიფოსთვის თუ ამ გადასახადითაც კონცესიონერი ძალიან  
მოგებულა? საერთაშორისო ბაზარზე ახლა მარგანეცი ფასობს—ერთეული 21—22 ბენ-  
სი ანუ ტონა (ზღვის ფრანკის გამოკლებით—15 შილ.) დაახლოებით 3 გირვ. სტერლ.,  
ე. ი. 14,4 დოლარი; გამოვაკლოთ ამას 0,85 დოლარი რკინის-გზის ხარჯი, რჩება 13,55  
დოლარი. ჰარიმანი აძლევს მთავრობას სატონო გადასახადს 4 დოლარს, ამდენივე რომ  
მისი ხარჯები ვიანგარიშით (მუშა ხელი, მალარობებიდან გამოტანა და სხვ.). მას რჩება  
წმინდა მოგება 5 დოლ. ტონაზე. თუ მან წლიურათ 800.000 ტონა გაიტანა, იგი მოიგებს  
წლიურათ 4 მილ. დოლარს ანუ 100 პროც. ჩადებულ კაპიტალზე (4 მილ. დოლარი),  
ე. ი. პირველ წელიწადშივე აინახალორებს იმ თანხას, რაც მან ოცი წლის კონცესიისა-  
თვის იქ უნდა მიიტანოს. 20 წლის განმავლობაში კი იგი მოიგებს 80 მილ. დოლარს  
ანუ 160 მილ. მანეთს.

ს ა ბ უ თ ი მ ე ო თ ხ ე —რკინის-გზის ტარიფი კონცესიონერისთვის განწესებულია  
განსაზღვრულ რაოდენობით მთელი ოცი წლის განმავლობაში. თუ რა პრივილეგიას  
ანიჭებს ეს პირობა კონცესიონერს და რამდენს კარგავს ამით სახელმწიფო, ამის გასა-  
თვალისწინებლათ საკმარისია მოვიგონოთ, თუ რა დიდ როლს თამაშობს მარგანეციის  
ღირებულებაში რკინის-გზის ხარჯები: ომის წინ, როცა ფუთი შავი-ქვისა ჭიათურაში  
იყიდებოდა 5—7 კაპ., იმის გადატანა რკინის-გზით ჭიათურიდან ფოთამდის ღირდა  
ფუთი 12 კაპიკამდის. დღეს მთელ მსოფლიოში რკინის-გზის ტარიფი გაცილებით  
უფრო ძვირია ყოველგან, ვინაჲც ომის წინა დროს იყო. მაგრამ, ვსთქვათ, ჩვენებური  
რკინის-გზით დღეს ისეთ ბედნიერ მდგომარეობაშია, რომ საერთაშორისო მოვლენას  
არ ემორჩილება და არც ამ ოცი წლის განმავლობაში არის მოსალოდნელი ტარიფის  
გადიდება. კონცესიონერს უპირველეს ყოვლისა შეუძლია ისარგებლოს იმით, რომ  
ერთი უმთავრესი ელემენტი შავი ქვის თვით ღირებულების მისთვის მუდამ უცვლელი  
რჩება და მით სხვა კონკურენტებს, რომელნიც მოკლებულნი არიან ასეთ ბედნიერ  
პრივილეგიას, კონკურენციაში აჯობდნენ. როცა ჭიათურის მრეწველები პეტერბურგის  
ძველ სამინისტროებში საჩივრას და დავას აწარმოებდნენ ჭიათურა-ფოთის რკინის-  
გზის ტარიფის დასაკლებლათ, ისინი ირწმუნებოდნენ, რომ ტარიფის გაიანგებდა გავი-  
ადვილებს კონკურენციას უცხოეთის ბაზარზე და გაცილებით მეტ მარგანეცს გავზი-  
დავთ, რითაც სახელმწიფოც უფრო მეტს მოიგებს. ამერიკელ კონცესიონერს კი ასე-  
თი უდიდესი პრივილეგია აქვს მინიჭებული და იმავე დროს იგი არ არას ვალდებუ-  
ლი 800.000 ტონაზე მეტი გაიტანოს (1913 წელიწადზე ნაკლები).

რამდენს იკებს, სახელდობ, კონცესიონერი და რამდენს კარგავს სახელმწიფო



ასეთი სატარიფო პრემიის მინიჭების გამო? თუ წინანდელ რკინის-გზის ხარჯებს ვინა-  
გარიშებით ფუთზე მხოლოდ 8.48 კაპ. (1913 წლის აღრიცხვა), ხოლო კონცესიონერის-  
თვის დაწესებულს ფუთზე 2.8 კაპ. (ტონა—0,85 დოლ.), სახელმწიფო უთმობს მას ფუთ-  
ში 5.68 კაპ., ხოლო ტონაში 3 მ. 46 კ. თუ კონცესიონერმა 800.000 ტონა გაზიდა წლიუ-  
რათ, იგი იგებს რკინის-გზის ხარჯში და სახელმწიფო კი კარგავს წლიურათ უკანას-  
კნელ 2.768.000 მან., ხოლო ოცი წლის განმავლობაში 55.360.000 მანეთზე მეტს.

საბუთი მეხუთე.—საბჭოთა პრესა საზოგადოებას და თავის თავს ანუ გეგმებს,  
ლითონის წარმოება რომ მსოფლიოში დაეცეს, კონცესიონერი ვალდებულია განსა-  
ზღვრული მინიმუმი შავი-ქვის მაინც გაზიდოსო. ასეთ მოსაზრებაზე ანგარიშის აგება  
ვერაფერი ნუგეშის მომცემია, რადგან მეტალურგიაში დეპრესიის მოლოდინი არსაი-  
დან სჩანს; პირიქით, ომიდან დაზარალებული სახელმწიფოწი წელში იმართებიან, ყო-  
ველგან აღმშენებლობა იწყება და ლითონის წარმოებაც მატულობს. ასე, დამზადე-  
ბული იყო:

იტალიაში ფოლადი	1921 წ.—	700.000 ტონა	1924 წ.—	1.179.200 ტონა.	
ბელგიაში	“	1923 “	2.296.884 “	“	2.850.524 “
ინგლისში	“	1921 “	3.624.800 “	“	8.217.100 “
გერმანიაში	“	1923 “	5.900.000 “	“	8.500.000 “

ამიტომ, თუ დღევანდელ საერთაშორისო წარმოების ტენდენციას ანგარიშს გა-  
ვუწევთ, მარგანეცის მოთხოვნილებამ უნდა იმატოს და კონცესიონერს არც ამ მხრივ  
არავითარი «რისკი» მოელის, რომ თუნდაც ამით გამართლებულ იქნეს მისთვის მი-  
ცემული პრივილეგიები.

არც ის არის მართალი, თითქოს ამერიკა უნდა დარჩეს ჩვენი მარგანეცის უდი-  
დესი ბაზარი (რასაკვირველია, თუ იმას მუქთად არ დავუთმობდით). ომიდან დაზარა-  
ლებული ევროპა ჩიმორჩა ამერიკას ლითონის წარმოებაში, მაგრამ დროებით. იგი  
ნელ-ნელა უკვე თავს აღწევს ამერიკიდან ამ მხრივ დამოკიდებულებას და შორს არ  
არის ის დრო, როცა ევროპისა და ამერიკის შორის გაჩაღდება ძველი კონკურენცია.  
ამის ნიშნებიც მოსჩანს. ინგლისს, მაგალ., უკვე ევროპის სახელმწიფოებიდან შემოაქვს  
ახლა მეტი ლითონი და არა ამერიკისაგან (ფულის კურსის, ფრაზტის და სხვ. გარემოე-  
ბათა გამო). ამაირათ მომავალ კონკურენციის მოლოდინით ჩვენი შავი ქვის დღევან-  
დელ ბატონ-პატრონთ უნდა ესარგებლოთ; მათ კი წინააღმდეგ ხელი ვაუწოდეს ამე-  
რიკის მომხმარებელთ და ოცი წლის ვადით შავი ქვა ხელში ჩაუგდეს.

საბუთი მეექვსე. საბჭოთა პრესას მოყავს კონცესიონერის ზოგიერთი  
წვრილმანი ვალდებულებანი, რომელზედაც შეჩერება ნათქვამის შემდეგ არც კი ღირს,  
რომ თუნდაც ამ წვრილმან ვალდებულებებში მაინც სჩანდეს რაიმე «ბარაქი». მაგალი-  
თად, მთავრობა კონცესიის მთელი ვადის განმავლობაში აძლევს კონცესიონერს გა-  
მოსაყენებლად ფოთის ნავთსადგურის ტერიტორიას, სივრძით 320 მეტრს და სიგანით  
70 მეტრს, და რკინის-გზის და საწყობების ყველა მოედნებს, რომელიც იხმარება შავი-  
ქვის მადანის შესანახავათ. ყველაფერ ამაში კონცესიონერი იხდის წლიურათ 20.000 მან.

«პლატფორმები» ფოთში ომის წინ ღირდა საყენი 3 მან., ამაირათ აღნიშნულ  
სივრცეში სახელმწიფო იღებდა წლიურათ 33.600 მან. ფოთის ტერიტორიაზე და დაახ-  
ლოებით ამდენსავე ქვათურაში, ე. ი. წლიურათ სულ არა ნაკლებ 70.000 მან. ამ თით-  
ქოს უმნიშვნელო საგანშიც კონცესიონერს დაეთმო წლიურათ 50.000 მან., ხოლო 20  
წლის განმავლობაში 1.000.000 მან.

ალარაფერს ვიტყვით მასალის უბაქოთ შემოტანის, საიჯარო ფასების შეღავა-  
თის და სხვ. შესახებ.

საბუთი მეშვიდე. კონცესიონერი განთავისუფლებულია ყოველგვარ სა-  
ხელმწიფო და ადგილობრივ გადასახადებისაგან (სირცხვილია ლაპარაკი იმის შესახებ,  
რომ იგი იხდის სრულიად უმნიშვნელო საპატენტო, საღებო და საკანცელარო გა-  
დასახადებს). მართალია, იგი იხდის სატონო გადასახადს, მაგრამ ჩვენ დავინახეთ თუ  
რამდენ მილიონს იგებს იგი სამაგიეროთ სხვა და სხვა პრივილეგიებით; წმინდა მოგე-  
ბაზე გადასახადიდან განთავისუფლება, როცა სახელმწიფო ამ მოგების მონაწილე არ

\*) ნამდვილათ კი, როგორც ვსთქვით, მარგანეცის გადაზიდვა ქვათურიდან ფო-  
თამდის ჯდება 12 კაპიკადის, საპორტო, საფუთო (ფოთში) და სხვ. გადასახადების  
მითვლით, რისგანაც კონცესიონერი აგრეთვე განთავისუფლებულია.





არის, არამც თუ «სოციალისტურ», არხი-ბურჟუაზიულ სახელმწიფოებშიც არ არის დაშვებული. «ჩემო» იხდიდა სატონო გადასახადს, იხდიდა რკინის-გზის სრულ ტარიფს, წმინდა მოგებიდან 35 პროცენტს და იმავე დროს «ჩემო»-ში შემავალი თითოეული ფირმა, როგორც ადგილობრივი მრეწველი, იხდიდა ყოველგვარ სახელმწიფო და ადგილობრივ გადასახადებსაც ჩვეულებრივი ნორმის მიხედვით. ყველა სახელმწიფო და ადგილობრივი გადასახადები რომ კონცესიონერის წმინდა მოგებზე (4.000.000 დოლარი დაახლოებით) 20 პროც. ვიანგარიშით, კონცესიონერმა ამ პრივილეგიითაც საჩუქრათ მიიღო წლიურათ 800.000 დოლარი, ხოლო ოცი წლით 16.000.000 დოლარი ანუ 32.000.000 მან.

საბუთი მეგრე. «პროლეტარიატის დიქტატურის ძირითადი პრინციპები და ჩვენი პოლიტიკური სუვერენიტეტი სავსებით დაცული უნდა იქნეს საკონცესიო პირობებში»—სწორი კომ. პარტიის ცეკა თავის ტუხისებში. რამდენათ დაცულია ჭიათურის კონცესიაში «პროლეტარიატის დიქტატურის პრინციპები» იქედან სჩანს, რომ არამც თუ პროლეტარიატი, თვით საბჭოთა ხელის უფლება, რომელმაც ასეთი სიმდიდრე ოცი წლის ვადით ხელში ჩაუგდო ერთ უცხოელ კაპიტალისტს, არავითარ მონაწილეობას საქმის მართვა-გამგეობაში აღარ იღებს, ხოლო რაც შეეხება «სუვერენიტეტს», აქ ხომ სულ აბუჯათ არის აგდებული საბჭოთა მთავრობა, რომელმაც ერთ დროს სასიკვდილო ომი გამოუცხადა როგორც საკუთარ ქვეყნს, ისე საერთაშორისო ბურჟუაზიას. ჰარიმანი არ დასჯერდა ასეთ «ძლიერ მთავრობისაგან» აღთქმულ გარანტიებს და დამატებითი გარანტიათ ცალკე ხელწერილი მოითხოვა, მეგრე ვისგან? იმ ბურჟუაზიის წარმომადგენლების ნაშთიდან. რომელმაც დღემდის სული შერჩენით ჭიათურაში. როგორც საზოგ. «ჩემოს» თავმჯდომარის ამხანაგი ბ. ჯაყელი მოუთხოვრბდა გავ. «კომუნისტს» თანამშრომელს, გარდა იმ ხელშეკრულებისა, რომელიც ჰარიმანმა დასდო მთავრობასთან. მას მეორე ხელშეკრულებაც აქვს აგრეთვე დადებული შავი ქვის მრეწველობთან. ამ უკანასკნელ ხელშეკრულების ძალით «მრეწველები ათი წლის ვადით ჰარიმანს უტოვებენ ორ დოლარს თვითოეულ ტონა შავი ქვის ღირებულებიდან. ეს ორი დოლარი თვითოეულ ტონიდან არის გარანტია იმისა, რომ მთავრობა არ დაარღვევს დადებულ ხელშეკრულებას»-ო (იხ. «კომუნისტი» № 138).

ჩვენ გვსმენია, რომ კრედიტორი კერძო პირთა თუ საზოგადოებათაგან მოითხოვდა მთავრობის დამატებითი გარანტიას პირობის შესრულებისთვის. მაგრამ მთავრობისაგან მიცემულ პირობაში დამატებითი გარანტიას რომ კერძო მოქალაქედან მოითხოვდნენ, ეს კი გაუგონარი ამბავია! უნდობლობა და აბუჯათ ავდება ამას იქეთ ვერ წავა: უდიდესი რუსეთის დღევანდელი «სუვერენული» მთავრობა ერთმა ამერიკელ კაპიტალისტმა მუხლზე დააჩოქა არამც თუ საერთაშორისო კაპიტალის წინაშე, ჭიათურის კერძო მრეწველთა პაწია ჯგუფის წინაშეც. ასეთი აღმოჩნდა ჩეკის სარდაფებში უძლეველთა ძლიერება იქ, სადაც ჩეკა ვერ მისწვდებოდა—საერთაშორისო საქმიანობის სფეროში!

საბუთი მეცხრე. ბოლშევიკები სწერენ, რომ ჭიათურის კონცესიაში ევროპის სახელმწიფოთა კაპიტალისტებიც დაინტერესდნენ და ჰარიმანის კონცესიის აქციებს ყიდულობდნენ. ოღონდაც! ვინ არ მოისურვებს მუქთად ნაშოვნ დოვლათში მონაწილეობის მიღებას, თუ კი მას ხელი მისწვდება. ხოლო ამ გარემოებაში საინტერესო ის არის, რომ ჰარიმანი (რომლის ნიჟსა და ქონებას დიდ ქებათა-ქებას უძღვნიდა საბჭოთა პრესა) ცდილობს იმ ვალდებულებათა ნასახიდანაც, რომელიც მას აქვს დაკისრებული, სავსებით თავი დაიძვინოს და ეს პასუხისმგებლობა აქციების სახით დააქუცმაცოს და მსოფლიო ბაზარზე გააბნოს. ნიშნავს ეს იმას, რომ ჰარიმანს იმედი აქვს ოცი წლის განმავლობაში საბჭოთა ხელისუფლებასთან თანამშრომლობის თუ იმას, რომ ამის იმედი არა აქვს, არ სჯერა საბჭოთა რეჟიმის სიმტკიცე და არც მომავალ ხელისუფლებასთან, ვინც უნდა იყოს იგი, მას არა აქვს არსებულ პირობებზე შეთანხმების იმედი და, თუმცა ამისთვის კერძო მრეწველების გარანტიაც აქვს, მაგრამ მაინც ურჩევნია ახლავე თავისი გაინადლოს და საკუთარი პასუხისმგებლობის მაგიერ უსახელო და ურიცხვ აქციებს თავი შეაფაროს?

ახლა მაინც თუ სარგებლობს ნეტავი საბჭოთა ხელის უფლება, რომ საბაზროთ გამოშვებული მათ განკარგულებაში ყოფილი სიმდიდრის აქციები შეიძინოს და სანამ კონცესიონერი აღნიშნულ პრივილეგიებით და მოგებით ისარგებლებს, ამ პრივილეგიების და მოგების მცირე მონაწილე მაინც ვახდენ?

თავი რომ მოეუყაროთ ყველაფერს, რაც გაბნეულია უკეთესის კონცეისის ხელშეკრულებათა და იმის დამცველთა კომენტარებში, ჩვენ მივიღებთ შემდეგ სურათს:

1. უკეთესის კონცეისის ხელშეკრულებით საბჭოთა ხელის უფლებამ საქვეყნო აღიარა, რომ იგი არამც თუ მხათა ბურჟუაზიასთან ითანამშრომლოს, არამედ მხათა ეს თანამშრომლობა უსაზღვრო ნივთიერ ზარალისა და მორალურ დამცირების ფასათ შეიძინოს;

2. ამ მიზნის მისაღწევათ მან გამოსტაცა საქართველოს ოცი წლის ვადით შემოსავლის უდიდესი წყარო და ისედაც შერყეული საქართველოს სახალხო ბიუჯეტი საშინლათ დაუქოლურა;

3. მთელ თაობას, რომელიც ამ ოცი წლის განმავლობაში საკუთარ სამრეწველო მუშაობაში მიიღებდა გამოცდრლებას და მით სამშობლოს მომავალ კეთილდღეობას წინ წასწევდა, იგი სტოვეებს საკუთარ ქვეყანაში უცხო კაპიტალისტების თარეშის უმოქმედო მოწმეთ;

4. როგორც ყოველთვის, ისე ამ შემთხვევაში, ბოლშევიკები ითვლიან მხოლოდ მოსალოდნელ შემოსავალს, ხოლო იმას, რასაც თვითონ იძლევიან, რასაც ხაზინა და ქვეყანა ნაღდათ კარგავს, იმას კი იუიწყებენ. ასეთია მათი ბუღალტერია, მათი ანგარიშის წესი. ამიტომ უკეთესის კონცეისის გამო საბჭოთა პრესაში წარმოებული კამპანია და ციფრებით აპრელებული წერილები ცარიელი ბაქი-ბუქია შეგნებულათ თუ შეუგნებლათ წარმოებული ზემოთ აღნიშნულ მწარე სინამდვილის დასაიწყებლათ და იმ რეალურ ზარალის ჩასაფუჩეგებლათ, რომელიც 400 მილ. მანეთს აღემატება. ეს ასეული მილიონები დანაკლისია მხოლოდ ხაზინის; ხოლო ის, რაც საქართველოს სახალხო მეურნეობამ ამ ოცი წლის განმავლობაში უნდა დაკარგოს—მოკვების, საადმინისტრაციო ხარჯების, მუშათა ქირის და სხვადასხვა ღირებულებათა უცხოელების ხელში გადასვლით, ეს კიდევ ზედმეტია.

და ნუ თუ იმისთვის გავერანდა ძველათ არსებული წარმოება და მრეწველობა, ნუ თუ იმიტომ გამოეცხადა შეუპოვარი ბრძოლა «ბურჟუაზიას» და იმიტომ ისობდა ეროვნული მრეწველობა, რომ ათეულ წლებით შექმნილი სახალხო სიმდიდრით, კერძო და სახელმწიფო საკუთრებით და მრეწველობით, ის თვით ხაზინის წმინდა შემოსავლითაც ვინმე ამერიკელ შუამავლის შემწეობით გამონახულ უცნობ და გადამთიელ აქციონერებს ხელი მოეთფოთ!

რას ნიშნავს ეს—კომუნისტების სამეურნეო პოლიტიკის გაცოტრებას, თუ გაბოროტებულთა შურისძიებას და უპასუხისმგებლო თარეშს სხვის ქვეყანაში?

თუ საბჭოთა ხელის უფლებამ ამნაირათ გადასურა უდიდეს და საუკეთესო სიმდიდრის, უკეთესის შავი ქვის ბედი, როგორი უნდა იქნეს ბედი იმ კონცეისების, რომელსაც არც იმდენი მუშტარი ყავს და არც ისე მომხიბლავია, როგორც უკეთესი. მაგრამ რომელთა გაცემას მაინც გამწარებული ცდილობენ საბჭოთა აგენტები ევროპის და ამერიკის კაპიტალისტთა შორის?

ბოლშევიკების საქმიანობა თუ ამ გზით წარიმართა, ცხადია, ძველი რუსეთის ნანგრევებზე უცხოეთის ბურჟუაზია გაბატონდება და ძველი ჩინეთის მაგიერ, რომლის «გამოღვივებას» საბჭოები ღდეს «ხელს უწყობენ», ისინი ახალ «ჩინეთს» საბჭოთა კავშირის ტერიტორიაზე ჩაუყრიან საფუძველს; საქართველოს კი ორჯავი ბატონობა მოვლის: რუსეთის და რუსეთის საშუალებით საერთაშორისო მტაცებლების.

ა. კანდელაკი.

## გ ა გ რ ი თ.

კაფე ვოლტერის აყალმაყალმა ისტერიკაში ჩაავდო საქართველოში კომუნისტები, ხოლო აქ მათი ამქარი ვეშაპელისტები. ესენი ახლა ითხოვენ თავისუფლებას! ვისთვის, მარტო თავისთვის თუ სხვებისთვისაც? რა უფლება აქვთ მოითხოვონ კრების და პიროვნების თავისუფლება, როცა საქართველოში არც ერთი ეს არ არსებობს, ძალმომრეობა ერთთა-ერთი კანონი და ბატონია მთელი ერისათვის. როცა ჩვენ ვიცავთ აზრთა თავისუფალ შეჯახებას—ეს გამოდის ჩვენი, დემოკრატიის, ძირითადი დებულებისაგან. ხოლო როცა ეს ვაქებატონები ამასვე იცავენ პარიზისათვის. სამაგიეროთ

მას უარსყოფენ საქართველოსათვის—რას ნიშნავს ეს თუ არა აშკარა იგუხტობს, ფარისევლობას და თვალთმაქცობას! ვეშაპელს თავისუფლების მნიშვნელობა გაახსენდა მაშინ, როცა მას გვერდში მოხვდა, და არ გახსენებია მაშინ, როცა ქართველ ხალხს ყოველ ცისმარე დღე გვერდებს ამტვრევენ, საუკეთესო მამულიშვილთ ახრჩობენ და აწამებენ: ამას ის ტაშს უჭრავს და უცხოეთიდან ამხნევენს. ხლოა ვიღაც დედა-კაცის «შლიაპებზე» ცრემლს ღვრის, ამ დიდ კაცებს როგორ გაუბედეს ხელის შეგებაო! ახლა მათ სასამართლოსათვისაც კი მიუმართავთ—გვიპატიეთო! სწორეთ საინტერესო სპექტაკლი იქნება ის სხდომა, სადაც ძალადობის მოციქულნი დემოკრატიულ გარანტიების მოთხოვნილებათ წამოაყენებენ! მოპასუხენი არც ისე ხერხენია, რომ ამ იგუხტებს ფაქტები არ დაუპირდაპირონ, მათი საქმენი საგმირონი არ გამოამწეურონ. აი წიგნი გერმანულათ გამოცემული—«ტერორი საქართველოში», საქმარისია ის ვინმემ წაიკითხოს, ან რენოდელის სიტყვას გაეცნოს, რომ კადე ვოლტერის მოტირალნი და მთელი მათი კამანდა სამარცხვინო ბოძენ იქნან გაკრულნი.

ეს ვაებატონები ამით არ ათავებენ თავის საჩივარს. მათ მიუმართავთ «აღამიანის და მოქალაქის უფლების ლიგისათვის» დეკლარაციით და მოუთხორობენ თავის გალახვის ამბებს. საყურადღებო აქ ის არის, რომ აცხადებენ ჩვენ კომუნისტები არ ვართო. მაშ ვინ არიან? კომუნისტების ნაღი, მათი დაქირავებულნი? ჩინებული რეკომენდაციას, სწორეთ. აი ეს გასპურის ლიგაში. კომუნისტის დამხმარე ვართ მხოლოდო! ეს ჩვენ კარგახანია ვიცოდით, მათ ალაპარაკებს არა იდეური მოტივები, არა მართლაც კომუნისტური სიზმრები, არამედ გვირიან რეალური მოსახრებანი. პატოსანი შრომით თავის რჩენას ამჯობინეს ბოლშევიკური «შრომა»—(ე. ი. სხვის ხარჯზე). აი ეს მართლაც საბუთია! ბოლშევიკების ავენტურა დიდად სარფიანი ხელობაა. როცა საქართველოში სხვადასხვა განცხადებებზე ხელს აწერებენ, ეს გასაგებია, ამით წამებას და დახვრეტას თავიდან იცილებენ, მარა როცა აქ, ევროპაში, ასეთსავე განცხადებებზე ხელს აწერენ, აშკარაა არა შიშით, არა ტერორის ქვეშ, არამედ ანგარიშით. ასეთ ხალხზეა ნათქვამი:

მათი საქმე ერთი ლუკმა პურია!

გადაუგდებ გაიუმდება მურია!

ვეშაპელის მურიების ადგილია არა მოქალაქის დამცველი ლიგა, არამედ მოქალაქის მტარველი ჩეკა.

და აი, ეს მათი მფარველი ჩეკაც ახმაურდა, ახმაურდა მისებურათ, ხულიგანურათ. თუმცა სრულიად აშკარაა, რომ მთელ ამ ემიგრანტულ აყალმაყალში არავითარი კავშირი არ აქვს სოც.-დემ. ორგანიზაციას, მენშევიკურ პარტიას, მარა ჩეკა რის ჩეკაა, რომ სისხლი არ მოსწყურდეს და მისი დასანთხევი საბაბი არ ეძიოს. ქართველ კომუნისტ არ ეყუთ შარშანდელი სისხლი, ანდა კიდევ მოუხდათ და პოლიტიკურ ტუსად ხელ-ახალ ვარფალომების დამეს უმზადებენ. აი ყური დაუგდეთ ამ ნაძირალთ:

«ამასთან ერთათ ვაცხადებთ კატეგორიულათ, რომ ყორდანი-არამიშვილის ბანდის ყოველ ახალ ხულიგანურ გამოსვლას(!!) საბუთათა საქართველოს მოქალაქეთა წინააღმდეგ უცხოეთში ჩვენ ვუპასუხებთ სასტიკი გამანადგურებელი ზომებით მენშევიკების არა-ლეგალურ მოჩხირკედლეების წინააღმდეგ საქართველოში, რომელნიც ჩვენნი წეს-რიგის დამცველ ორგანოების ზედამხედველნი სფეროში იმყოფებიან გარეთ ან უკვე ჩაკეტილი არიან ჩეკის კლიტულში» (კომ. № 9 სექტ.).

თუმცა ამ ხელკეტიან და თავრეტიან ხალხს კარგათ მოეხსენება, რომ არავითარი «ყორდანი-არამიშვილის ბანდა» არ არსებობს და არც რაიმე «გამოსვლა» მოუწევით, მარა ისინი ეძებენ ახალ მსხვერპლს. საქმარისია აქ ვეშაპელ-კაჩუხაშვილს თავისი პროვოკატორული მოქმედებისათვის ვინმემ სილა გაართყას, რომ იქ ამ სვაებზე პოლიტიკური ტუსალების სისხლი დალიონ. საქმარისია აქ ემიგრანტთა შორის ჩვეულებრივი აურხაური ატყვეს, რომ იქ შური იძიონ უდანაშაულო ხალხზე. გამოლო, რომ ჩვენ მათ აქაურ «მოქალაქეთ» ყარაულებათ უნდა დაგუდგეთ, რომ არავინ შეეხოს! არა, ხელკეტიანებო, ვერ შეგვაშინებთ. სჯობს თქვენ თვითონ მოთხოვთ ეს თქვენი პროვოკატორები, რომელნიც დაძრწიან და თვითეულ ქართველს მიმართვენ—აი ბიჭო, ორმოცდაათი დოლარი თვიურათ, ოღონდ ხელი მომიწერეო. აი სათავე კინკლაობისა. და თუ თქვენ ამას განგებ ჩადიხართ, მიზენის საშოვნელათ, რომ იქ ჩვენ ამხანაგთ ვერაგულათ გაუსწორდენ, იცოდეთ ეს ველურობა დაუსჯელათ არ ჩავივლით.

ჩეკის სადღეგრძელოთ ბოლშევიკებს ჩამოყავთ საქართველოში ვეროპის სხვადასხვა მონეტიალე პიროვნებანი, არქმევენ მათ «დელეგატებს». თუმცა ისინი ნამდვილათ თავისთავის დელეგატებია და ამდერებენ ჩეკისტურ პანგებზე. ამ ხანათ ისინი თავს იქცევენ გერმანელი «დელეგატებით». ვისი წარმომადგენელია ისინი—არავინ უწყის. ამას არ ამხელენ არც სტუმრები, არც მასპინძელი. და აი ამ მოგზაურებმა მიმართეს ქართველ ხალხს მანიფესტით—იწამეთ ბოლშევიკებო! («კომ. № 175»). სწორეთ გასაკვირადა ის უტიფრობა, რომლითაც ისინი უმასპინძლდებიან ამდენი ტყუილებით ქართველებს! ყოველივე ეს ამბავი თვითეულ ქართველს ჩინებულათ მოეხსენება, იცის რომ გერმანელები ტყუილს ტყუილზე აცხობენ და მიუხედავათ ამისა ბოლშევიკები ასეთ დოკუმენტს ჩვენშივე აქვეყნებენ. აი მათი მთავარი დასკვნები: საქართველოს აქვს სრული ნაციონალური თავისუფლება. გლენებმა მიიღეს ბოლშევიკებისაგან სხვისი მემამულეების მიწები. მათ შემოიღეს 8 საათის სამუშაო დღე—ერთი სიტყვით ძირითადი ცვლილება ნაციონალურ, სოციალურ და აგრარულ სფეროში ბოლშევიკებს შემოუღიათ და ამიტომ ხალხი «მხარს უჭერს ახლანდელ საქართველოს მთავრობასო!» არაფერი ამის მსგავსი რასაკვირელია, არ მომხდარა: დემოკრატიულ საქართველოს ნამუშევრის ბოლშევიკებისათვის მიწრა აშკარათ მოწმობს იმას, რომ მოსკოვის აგენტებს არავითარი საბუთი ჩვენში ბატონობისა არ მოეძებნებათ და იძულებული არიან უცხოელთ სოც.-დემოკრატიული მთავრობის მოღვაწეობა თავისათ მოაჩვენონ. ხოლო ესენიც იმიტომ არიან მოსულნი, რომ ყველაფერი მათ დაუჯერონ და ასე შავი თეთრათ გამოაცხადონ. თავის როლში თავიდანვე დაეუკიანებულან და წინდაწინ გვაფრთხილებენ: «ჩვენ მოსყიდულათ გამოგვაცხადებენო!» შეიძლება. ყველაფერი მოსალოდნელია. ჩვენ კი გვგონია რომ ეს ბელე-ბეკ-ბენევიცი ან მეტათ ყრუ ხალხია ან უბრალო ქვევრებია, რომელნიც იძახიან იმას, რასაც ბოლშევიკები ჩასძახებენ. ასეთი ტყუილის ვეჭილები არა თუ ჩვენში, ვეროპაშიაც ველარ პოულობენ გამოძახილს. საქართველოს საკითხი აქ სრულიად უდაბოთ აღიარებულია ყველა წრეში.

როგორი ნაციონალური თავისუფლების მომხრეა ბოლშევიკები აშკარათ სჩანს აფხაზეთის გარეშემო ატეხილ დავისაგან. აქ მოსახლეობის ოთხმოცი პროცენტი აფხაზები და ქართველებია, თვით ბოლშევიკების მოწმობით. მათი ნაც. თავისუფლება მოითხოვს გაბატონებული ენა მათი სამშობლო ენა იყოს. მარა ასე არ მსჯელობენ ურა-ბოლშევიკები: მათი აზრით ეს იქნებოდა პირწავარდნელი ნაციონალიზმობა და კაციქამიობა. ხოლო რუსული ენის შემოღება კი ნამდვილი ინტერნაციონალიზმობა და კომუნისტობა! «ლენინის ენა» ერთათ-ერთი რევოლიუციური ენა ყოფილა, რომელმაც უნდა შესცვალოს ადგილობრივი ენები. ეს დაუჯერებელი ამბები მოთხრობილია «კომუნისტში» (№ 190) და არა თუ მოთხრობილი, არამედ გამოტანილი ერთადერთ კომუნისტურ მცნებათ. ეს ჩვენთვის არ არის მოულოდნელი; კომუნისტში—ეს წმინდა რუსული მოვლიანა, ლენინისში—ველიკორუსული ჩმახვაა, ეს დიდი ხანია ვიცოდით, მარა ეს თუ რუსიფიკაციის ასე აშკარა ბიარულათ გამოიფინებოდა—ეს კი არ გვეგონა. ალბათ მოსკუტარებს ახლა ქართველი ხალხი მიაჩნიათ საკმაო მოთელილათ რომ «ლენინის ენა» მას სამშობლოს ენათ შეაპარონ.

მადა ჭამაში მოდისო—ნათქვამია. თუ კი აფხაზეთში რუსული უნდა იყოს გამეფებული, სამეგრელომ რაღა დააშვა, აქაც ხომ ქართული ენა «უცხო ენაა!» და აი ლენინის შეგირდები აცხობენ დეპეშებს მოსკოვში და თფილისში. გვიხსენით იმპერიალისტურ საქართველოდან, მოგვანიჭეთ აბნაზური დამოუკიდებლობა... აქედან ერთათ-ერთი დასკვნაა—რაკი ქართული საჭირო არ არის, ხოლო მეგრული ლიტერატურა არ არსებობს, გაუმარჯოს რუსულს, «მსოფლიო რევოლიუციის ენას!» მართალია მათ ებრძვის გაზ. «კომუნისტი» (№ 205), მარა რა საბუთით? თუ კი «ლენინის სასტიკი ხაზი» იტყვის ყოველნარი სიმანჩინჯეს, თუ კი მის ავტორიტეტს ყურდნობა ყველა მტერი ხალხის (მუსლიმანი) და ერის (რუსის შოვინისტები), ყველა ჯალათი და ჩეკისტი, რატომ აფხაზ-სამეგრელოს ვოსტორგოველები მას ვერ დაეყრდნობიან? განა ბოლშევიკებმა არ დასჭრეს საქართველოს ცოცხალი სხეული «დამოუკიდებელ» ნაწილებათ? ბოლშევიკ-ამორდიელები ავრძელებენ მხოლოდ ამ პროცესს. მთელი ეს დამპალი ხელი ძირიანათ უნდა ამოვარდეს, თორემ მას ვერაფერი ზერეფე შეაყებება ვერ უშველის

აი ასეთია ბოლშევიკების მიერ დამყარებული «ნაციონალური თავისუფლება», რასაც მოსკოვის «ნახლებნიკები»—გერმანელები მოგვითხრობენ. ესენი ვერ იტყვიან—მოგვატყუესო, ვინაიდან ჩვენი პარტიის ცეკამ მათ თვალი აუხილა, მემორანდუმი გადასცა. ეს დოკუმენტი კი მათ კომუნისტებისათვის გადაუციათ. სააგიტაციოთ რასაკვირველია. ესენიც ილანდლებიან. მათი აზრით, «ამ დოკუმენტში საშინელი სიცრუე და ცილისწამებაა», თითქმის ბოლშევიკებზე შექმლეს ვინმეს «სიცრუის» შეთხზვა. ჯერ არავის გამოუგონია ისეთი სისაძაგლე, რაც მათ არ ჩაედინოს, ვერავითარი ფანტაზია ვერ მისწვდება მათ «საგმირო საქმედებს». აბა დაასახელონ თუნდაც ერთი სიცრუე, მათ შესახებ დაწერილი ან გაერცელებული. ასეთს ვერ მონახვენ თვით დიოგენის ფარნითაც. მათ აღუფოთებს არა სიცრუე, არამედ სიმართლე, რომელიც დოკუმენტში წერებულა: «ქართველ ხალხს არ შეუძლია შეურიგდეს თავისი ქვეყნის თავისუფლების და დამოუკიდებლობის დაკარგვას»-ო («კომ.» № 196). მათ გონებით, რომ ქართველი ხალხი ყოველივე ამას შეურიგდა და აი უცებ ცენტრ. კომიტეტი მათ ცივ წყალს ასხამს თავზე. ჩეკის ზოგ ტუსაღთა «აღსარება» მათ ერის აღსარებათ მიუღიათ და ახლა ამ თავის ხელფენ შებოჭილ მსხვერპლთ პასუხს თხოვენ, როგორ თუ ცენტრ. კომიტეტმა ეს გაბედაო! ქართველ ხალხს არასოდეს არ ქონებია და არც შეუძლია ქონდეს «საერთო ენა» თავის მტარვალებთან. და თუ რომელიმე ტუსალი დახვრეტის შიშით «საერთო ენაზე» ლაპარაკობს—ეს მისი პირადი საქმეა და ეს არავითარი შემთხვევაში არ ავალებს ხალხს და მის პარტიას. ვერი ვერ იყიდება ოქროთი, სოც.-დემ. პარტია ვერ გაქრება მუქარით. მათი გზა სწორი. ფართე და ნათელია. მას ვერ გააბრუნდებენ მოსკიდულნი და დამფრთხალნი.

გერმანელ დელეგაციის ტრაგიკომედიის უკანასკნელი აქტი გათამაშდა გერმანიაში. ისინი აქ წარსდგენ «გამგზავნ კომიტეტის» წინაშე ანგარიშებით. კომიტეტმა დაადგინა: «დელეგაცია დაჯდა აუარებელი ფული. თუ ის ვერ მოვიხმართ სააგიტაციოთ ფართე მასშტაბით, პარტია მრავალი წლობით დაზარალდება. დელეგატები უნდა იყვენ პარტიის დამკვრელი ნომერი, ვინაიდან დღეს ყოველივე საეგებიოთ გვაქვს დადებულიო... ანგარიშები ჯერ უნდა შეასწოროს პარტიულ კომიტეტმა და შემდეგ გამოვიდნ იმით დელეგატები კრებებზე» და სხ.

ეს საიდუმლო დადგენილება გამოამქლავან სოც.-დემოკრატიულმა გაზეთმა და დელეგატებზე შედრკენ. მათი აგიტაცია საეგებით ჩაფლავდა; ერთმა «დელეგატმა» ბ. მელეშ 19 სექტემბერს განცხადება შეიტანა «გამგზავნ კომიტეტში», რომ ის უარს ამბობს გამოსვლებზე, ვინაიდან ახლა დარწმუნდა რომ იარალი ყოფილა კომუნისტური პარტიის.

მართალი უთქვამს პეტრს: «უმსგავსო საქმე ყოველი მოკლეა, მით ოხერი!»

«ს ვ ვ ნ ი გ რ თ ო ბ ა»-დან.

გაზეთი «ჩვენი ერთობა»-ში. რომელიც საქართველოში გამოვიდა 26 მაისისთვის, მოთავსებულია მეთაური: «ავვისტო და მაისი». ავტორი ნიჟიერი კალმით აგვიწერს ცხრა თვის თავზე დათალხულ საქართველს; იგონებს მოთმინებიდან გამოსულ ხალხის თავგანწირულ ბრძოლას. აურაცხელ მსხვერპლს, ათასობით დაობლებულ ოჯახებს, და ასკვნის:

«ყველგან გლოვა, ყველგან ვიში.

ყველგან თრთოლვა ყველგან შიში.»

აი რა დასთესეს კომუნისტების ჯალათება თავისუფლების მოყვარულ საქართველოში: მაგრამ უიმედობა არ იპყრობს მებრძოლთა გულს, გამარჯვების ცისკარი ეხატება ავტორს თვალწინ და ის ასე ათავებს თავის წერილს:

«26 მაისი ემბლემია ქართველი ერის გაცემენტების, ქართველი მშრომელისთვის სანატრელ პრინციპების ცხოვრებაში გატარების.

26 მაისი იყო ის მანათობელი ლამპარი, რომელიც ავვისტოში აჯანყებულ ქართველ ერს გზას უნათებდა.

დღეს დღის წმინდა პრინციპს შეაკედენ აგვისტოს აჯანყების თავდადებული გმირები.

ქართველი ერის სანუკვარ დამოუკიდებლობისთვის ეძგერენ თავდადებული ასე ერთსულოვნათ უამრავ მტერს.

ამიტომ მოწიწებით ვიდრეკთ მათი სხოვნის წინაშე მუხლს და ვეუბნებით მათ:

საუკუნო იყოს თქვენი სახელი აგვისტოს აჯანყების გმირებო!

დიდება და პატივი თქვენ ხსენებას ერის გამარჯვების საკურობეველზე მსხვერპლად მიტანილნო!

ყოველი ქართველი, ვის მკერდშიც ქართული სული სცემს, გულში ატარებს თქვენს სახელს. დაე ყველა დარწმუნდეს იმ საქმის უკვადავებაში, რომლისთვისაც თქვენ სიცოცხლეს გამოესალმეთ. ჩვენ ვიცით და ვგრძნობთ, რომ საქართველოში დღეს მოთარეშე ძალა წარმავალია.

იგი განწირულია ისტორიის მიერ. «წყალნი წავლენ და წამოვლენ ქვიშანი დარჩებიანო.»

საქართველო კვლავ აღსდგება.

მას მისი ნამდვილი პატრონი, ქართველი დემოკრატია, დაეუფლება.

ნაგუბარში კვლავ ჩადგება წყალი და მაშინ გამარჯვებული ერი პასუხს გასცემს მტარვალებს და უდანაშაულო სისხლის დამღვრელთ. მაშინ დადგება განკითხვის დღე და თქვენს მესაფლავეებს ქართველი ერი მესაფლავეთ მოველინება.» («ჩვენი ერთობა» № 1. (13).

#### ინტერნაციონალი და ეროვნული საკითხი.

მარსელის სოციალისტურმა კონგრესმა განსაკუთრებული ყურადღება დამოწმებული ერთა საქმეს მიაპყრო.

ომისა და რევოლიუციის ქართველში დაინგრა რომანოვთა, პაბსტურგთა და კოპენცოლერნთა ტახტი. ამ გზით მრავალი დამორჩილებული ერი განთავისუფლდა. სოციალიზმი ერთა თვითგამორკვევის მომზრეა. ეს უდაო დებულებაა. მაგრამ იცავს თუ არა ინტერნაციონალი ამ განთავისუფლებულ ერთა არსებობას? კითხვა სრულიად ბუნებრივია. თუ ხანში მივიღებთ ახლო წარსულს, როცა განთავისუფლებულ ერთა ბედზე არაინ ზრუნავდა. მოვიგონოთ თუნდაც 1920 წ. როცა ტროცკის მეთაურობით საბჭოთა რუსეთის ლაშქარი ქ. ვარშავას უახლოვდებოდა. რომ გაესრისა თავისუფალი პოლონეთი. ამ დროს დასავლეთ ქვეყნების არა ერთი და ორი სინდიკატი და სოციალისტური პარტია ხელს უშლიდა საფრანგეთიდან პოლონეთში იარაღის გაზიდვას და მით ფაქტიურათ მოსკოვის იმპერიალიზმს ეხმარებოდა.

მარსელის კონგრესის პასუხი ყველასათვის ნათელია. ის აცხადებს: «ინტერნაციონალი იცავს სადაპურით (ყოველი რეზერვის გარეშე) ახალ სახელმწიფოთა თავისუფალ და დამოუკიდებელ არსებობის უფლებას!»).

ამით უშკარათ დამტკიცებულია კომუნისტურ ინტერნაციონალის პოლიტიკა, რომელიც უარყოფს პატარა ერთა არსებობას და მსოფლიო რევოლიუციის ნიღაბს ქვეშ მუხობელ ერთა ჩაყლაპვას ელტვის.

ამხანათ მთელი აზია და ჩრდილოეთი აფრიკა ბობოქრობს. ჩინეთი, ინდოეთი და მუსულმანური ქვეყნები ფეხზე წამოდგენ და უცხოელთა მონობისაგან განთავისუფლებას ლამობენ. და აი ინტერნაციონალიც მათ ესალმება, სოლიდარობას უცხადებს და თავის დახმარებას აღუთქვამს.

ყველასათვის ცხადია, რომ საბჭოთა რუსეთი და მისი საგარეო აგენტურა—მე-სამე ინტერნაციონალი ცდილობს აზია-აფრიკის ხალხთა გამოღვიძება თავისი დიპლომატიური მიზნებისთვის გამოიყენოს. კომუნისტური ინტერნაციონალი სამოქალაქო და საგარეო ომით სულდამულობს. ის მუდამ ცეცხლს ეთამაშება, რომ ერთხელ კიდევ მთელი კაცობრიობა ომის ალში განვიოს. მოსკოვის პოლიტიკა უაღრესათ იმპერიალისტურია.



პირიქით, სოციალისტური ინტერნაციონალი ევროპა-ამერიკის ფართო დემოკრატიის სურვილებს ეყრდნობა, რომელიც გადაჭრით უარყოფს აგრესიულსა და იმპერიალისტურ ომს და საყოველთაო მშვიდობიანობის დამყარებისაკენ მიილტვის რუსული კომუნისმი ომია, ხოლო სოციალისმი მუდმივი ზავია.

ამჟამათ მშვიდობიანობის დროშას ეყვლება არა მხოლოდ მუშათა კლასი, არამედ გლეხკაცობისა და საერთო წვრილი ბურჟუაზიის დიდი უმრავლესობა, ამ მოძრაობას სათავეში უდგია სოციალისტური ინტერნაციონალი. უმთავრესი მისი პრაქტიკული მოღვაწეობა ამ საქმის გარშემო ტრიალებს. ეს 7 მილიონ შეკავშირებულ მუშათა ყოველდღიური ზრუნვის საქმეა.

მერე რა გზით ცდილობს ინტერნაციონალი ამ მიზნის განხორციელებას? ამხანათ საკმაოდ ახალი საავტორიო ლოზუნგებით გამოხვლა. ეს შესაძლებელი იყო წინეთ, როცა სოციალისტური პარტიები ცალკე-ცალკე ქვეყნებში უპასუხისმგებლო ოპოზიციას წარმოადგენდნენ, ხოლო შეუძლებელია დღეს, როცა სოციალისმი დემოკრატიული გზით სახელმწიფო ძალა-უფლებას თანდათან ეპატრონება. აქ საქიროა პრაქტიკულ ღონისძიებათა წამოყენება, საკითხის რეალურ ნიადაგზე დასმა.

სწორეთ ამ მხრივ არის საინტერესო მარსელის კონგრესის რეზოლიუცია, «ინტერნაციონალი ანგარიშს უწევს იმ გარემოებას—აცხადებს ის—რომ ახალი მსოფლიო ომის თავიდან აცილება მხოლოდ მაშინ შეიძლება, თუ ევროპა-ამერიკის დემოკრატია თვითვე აღიარებს ყველა ერთა თვითგამორკვევის უფლებას და მის განხორციელებას თავს მოახვევს ევროპა-ამერიკის იმპერიალისტებს.»<sup>1)</sup>

ქვემოთ იმავე დებულებას ერთხელ კიდევ ადასტურებენ. «ინტერნაციონალი აღიარებს, რომ მტკიცე მშვიდობიანობა მხოლოდ მაშინ იქნება უზრუნველყოფილი, როცა საერთაშორისო უფლება განვითარდება ხალხთა ლიგის მე-19 მუხლის პრინციპის თანახმად, რომ სახელმწიფოთა წყობილებისა და ერთგულ სახლურების გადასინჯვა შესაძლებელი იქნეს ერთა თვითგამორკვევის უფლების თანახმად, მშვიდობიანი საშუალებით არბიტრაჟისა და პლებისციტის გზით, რომ დამორჩილებული ერები თავის განთავის უფლებას ახალ ომებისაგან არ მოელოდნენ.»<sup>2)</sup>

თუ გსურს ზავი, ემზადე ომისთვის—ამბობდნენ ძველი რომაელები და მას დღემდის იმეორებს იმპერიალისტური ბანაკი.

თუ გსურს ზავი, ათავისუფლე ყველა დამორჩილებული ერები—აცხადებს ინტერნაციონალი. ამით ერთა განთავისუფლების საქმე პრაქტიკულათ გადაჯაჭვულია მუშათა მსოფლიო მოძრაობასთან, დაჩაგრულმა ერებმა უძლიერესი მოკავშირე იშოვნეს.

ასეთია ინტერნაციონალის საერთო ზანი. მაგრამ ჩვენთვის განსაკუთრებული ყურადღების ღირსია საკითხი, თუ როგორ უყურებს საერთაშორისო სოციალისმი საბჭოთა კავშირში ცეცხლითა და მახვილით შერეულ ერებს.

საქართველოს სუვერენობის აღდგენის შემდეგ არა ერთი და ორი რუსი სოციალისტი მტრულათ ან და აღმაცერათ შეხვდა ჩვენი პარტიის ხაზს ამ მნიშვნელოვან საქმეში, თუმცა სიმართლე მოითხოვს აღვნიშნოთ, რომ რუსეთის სოციალისტურ პარტიებში ჩვენ თავიდანვე დამკველებიც ვაოვეთ. ხშირათ საქართველოს სოციალ-დემოკრატიულ პარტიას დამოუკიდებლობის გამოცხადების გამო ნაციონალისტურათაც ნათლავდენ. მაგრამ ქართული დემოკრატია თავგამოდებით იცავდა სოციალისმის უდაო პრინციპს—ერთა თვითგამორკვევის უფლებას. ამიტომაც იყო საქართველოს დამოუკიდებლობის იდეამ მალე სრული მოქალაქეობა მოიპოვა და ის საყოველთაო მოთხოვნილება შეიქნა. ამიერიდან ჩვენს წინააღმდეგ ახალი ბრალდებით გამოდიოდნენ. ქართველ სოციალ-დემოკრატებს უკიჟინებდნენ, რომ ისინი მხარს უჭერენ აზერბეიჯანის, შირაქის და სხვა ერთა თავისუფლებას და ამ გზით ხელს უწყობენ რუსეთის დაქუცმაცებას. ასეთ საყვედურს მუდამ დღე გაიგონებდით.

და აი ყველა ამ «ბრალდებას» მარსელის კონგრესმა წესი საბოლოოთ აუგო. ინტერნაციონალმა აღიარა, რომ ის იცავს სრულ თვითგამორკვევის უფლებას «საბჭოთა კავშირის ერთათვის, რომელთაც რევოლიუციის ხანაში მოიპოვეს სახელმწიფოებრივი დამოუკიდებლობა (Staatliche selbststaendigkeit), როგორც სომხეთმა, საქართველომ,

<sup>1)</sup> იხ. რეზოლიუცია აღმოსავლეთის საქმეებზე.  
<sup>2)</sup> იხ. იგივე რეზოლიუცია. <sup>3)</sup> იქვე, ზახვასმული ჩვენია, ნ. რ.

უკრაინამ და სხვ.»<sup>\*)</sup> დასახელებულ სახელმწიფოთა გარდა აქ სხვათა შორის იგულისხმება აზერბეიჯანი, კავკასიის მთა და ბელორუსია. აღსანიშნავია ის გარემოება, რომ აღმოსავლეთის კომისიაში უკრაინის სოციალ-დემოკრატიული პარტიის ზემოთ მოყვანილ დებულებას, რომელიც მიღებულ იქნა, ხმა მისცეს რუსეთის სოციალ-დემოკრატებმა (მენშევიკები) და რუსეთის სოციალისტ-რევოლუციონერებმა. ამით ინტერნაციონალმა საერთოთ და კერძოთ რუსეთის სოციალისტებმა საქვეყნოთ განაცხადეს, რომ მეფის იმპერია ანუ ეხლანდელი საბჭოთა კავშირი არა ეროვნული, არამედ ეროვნებათა სახელმწიფოა და რომ ერთა თვითგამორკვევის უფლების განხორციელებას ისიც ვერსად ვერ გაექცევა. თუ ეს დემოკრატიული პრინციპი, რასაც თავ-გამოდებით იცავს სოციალისტური ინტერნაციონალი, ანგრევს ცეცხლსა და მახვილზე დაფუძნებულ იმპერიალისტურ სახელმწიფოს. ამაში ბრალი არ მიუძღვის არც ინტერნაციონალს და არც მის რომელიმე სექციას. ჩვენი პოზიცია სოციალისტურმა კონგრესმა თავისი ავტორიტეტით დაადასტურა. საქართველოს სოციალ-დემოკრატია ამ გამარჯვებას სიამოვნებით მიეგებება.

ინტერნაციონალმა მარსელში კიდევ ერთი დიდი ნაბიჯი გადადგა, რასაც პატარა ერთთავის განსაკუთრებული მნიშვნელობა აქვს.

კონგრესი ერთხელ კიდევ ადასტურებს, რომ საერთაშორისო სოციალისტური ცნობს მხოლოდ თავდაცვით ომს, ხოლო გადაჭრით უარყოფს რომელიმე სახელმწიფოს მიერ მეზობელზე თავდასხმას. «ყველა სახელმწიფო—აცხადებს კონგრესი—რომელიც ომს მიმართავს, უარყოფს რა რაიმე მოსაზრებით არბიტრს გადასცეს სადაო საკითხი ან არ ემორჩილება არბიტრის დადგენილებას, უნდა ითვლებოდეს თავდამსხმელად და თავის ერის და კაცობრიობის მტრად».<sup>\*\*)</sup>

აქ მკითხველს ბუნებრივად მოაგონდება საბჭოთა რუსეთის ყაჩაღური თავდასხმა საქართველოზე. ინტერნაციონალი ერთსა და იმავე დროს ორ საქმეს ემსახურება—მუდმივ მშვიდობიანობის დამყარებას და იმავე დროს პატარა ერთა თავისუფალ განვითარების უზრუნველყოფას.

კონგრესი მწუხარებით აღნიშნავს, რომ «ხალხთა ლიგის დებულებამ არ შეზღუდა ეროვნული სუვერენიტეტი, რასაც თანამედროვე ერთა სოლიდარობა მოითხოვს, რომ მან არ წაართვა მთავრობებს ომის გამოცხადების უფლება».<sup>\*\*\*)</sup>

ამ გზით ისმება სრულიად ახალი საკითხი, წამოყენებულია ახალი პრინციპი. ერი სუვერენი უნდა იყოს შინაურ საქმეებში. ხოლო მისი სუვერენიტეტი უნდა შეიზღუდოს საგარეო პოლიტიკაში. განახორციელებთ ეს და მართლაც ხალხთა ლიგა თავისუფალ ერთა მსოფლიო კავშირად გადაიქცევა. ეს ზედგამოჭრილია პატარა ერების ინტერესებისთვის. ხოლო ეწინააღმდეგება იმპერიალისტურ სახელმწიფოთა მიდრეკილებებს. ამით აიხსნება ის გარემოება, რომ დასავლეთ ევროპის ზოგი დიდი სახელმწიფო ებრძვის ხალხთა ლიგის უფლებათა გაფართოებას, ხოლო მთავარი იმპერიალისტური ქვეყანა—საბჭოთა რუსეთი ხალხთა ლიგას გადაჭრით უარყოფს და მუდამდღე სამხედრო შეტაკებებს ამზადებს, რომ ახალი ერები დაიმონოს და გაძარცვოს. სხვათა შორის მოსკოვის მთავრობა ლიგას გაუბრძვის, ვინაიდან იქ შესვლისთანავე მას საქართველოს საკითხი წინ დაუდგება და სავალდებულო არბიტრაჟს ვერ გაექცევა.

როგორც ხედავთ, მარსელის ინტერნაციონალურმა კონგრესმა პატარა ერების უფლებათა ხარტია გამოიმუშავა, ის პრაქტიკულ ჩარჩოებში ჩამოასხა და მისი განხორციელება სადღისო საქმეთ გამოაცხადა.

ან მუდმივი მშვიდობიანობა და დამორჩილებულ ერთა განთავისუფლება ან ომი და მით ევროპული კულტურის განადგურება—ასეთია ალტერნატივა, რომელიც კაცობრიობის წინაშე დისვა.

მწვავე ბრძოლა გაჩაღდა. ექვს გარეშეა ის დამთავრდება მშვიდობიანობის უზრუნველყოფით და პატარა ერთა თავისუფლების განმტკიცებით.

ნ. რამიშვილი.

\*) იქვე. ქვეყნების სახელწოდება ლათინურ ალფაბეტის წესით არის მოყვანილი.

\*\*) იხ. რეზოლიუცია «პროლეტარიატი და ხალხთა ლიგა».<sup>\*\*\*)</sup> იქვე.



აქტიურობის კომისიის მარხელის კონგრესზე.

ამ კომისიის აქვს თავის ისტორია. ყავს თავის წინამორბედი. ესაა აღმოსავლეთ ევროპის სოც. პარტიის კონფერენცია, რომელიც კონგრესის წინ და მის პირველ დღეებში იკრიბებოდა მარხელში.

ამ კონფერენციის მიზნით ქონდა წინასწარ გაერკვია კონგრესზე დასმული აღმოს. საკითხი, რამდენათაც შეიძლებოდა ერთსულოვნობას მიეღწია და ამით თვით კონგრესის გადაწყვეტილებისთვის გზა გაეწაღა. ზოგიერთი პარტიები მოითხოვდნენ კონფერენციისთვის მხოლოდ სათათბირო, აზრთა გაცვლა-გამოცვლის როლის მინიჭებას. ამ დავამ საკმაოდ დრო წაიღო და გადაუწყვეტელი დარჩა. კონფერენციის თავის მუშაობა არ დაუმთავრებია, რადგან კონგრესის აღმოსავლეთის კომისიის დაარსების შემდეგ ყველა დელეგატები მიველ დროს და ენერჯიას მას ანდომებდნენ. მარა აზრთა გაცვლა-გამოცვლის დროს გამოირკვა მრავალი მტკივნეული ადგილი აღმოსავლეთის ქვეყნების დიდი ბროტება დათესილა იქ საზღვრების გაყვანის დროს. თითქმის ყველა ერის სოც. პარტია უჩიოდა მეზობელს. განსაკუთრებით ილაშქრებდნენ პოლონეთის წინააღმდეგ. გულახდილი ლაპარაკი მწარე სინამდვილეს დაუფარავათ ააშკარავებდა. ვილ. ნოზ საკითხი, ლომიტროფების საზღვრების, უკრაინის, დანციგის კარიდორის, ბესარაბიის, მაკედონიის, ბოლგარიის—ყველა წამოდგა თვალწინ: კაცი იფიქრებდა, სოლიდარობის საქმე ამით შორის სამუდამოთ დაღუპულიაო. მარა ნამდვილათ ეს იყო მხოლოდ ძმური დავა. ეს იყო ტკივილების აღნუსხვა და მალამოს ძიება. კონფერენციამ, როგორც ვიცით, ვერ დაასრულა თავის მუშაობა, მარა ერთი მინც გამოირკვა, ის, რომ პატარა ერებს საერთო ინტერესებიც ბევრი აქვთ, საერთო ხაზის შემუშავება შეუძლიათ. ყველას უქადის საფრთხე საბჭოთა რუსეთისა და ევროპის კაპიტალისტთა ეგოისტურ პოლიტიკისგან. მათი ძალა და გავლენა თვით ინტერნაციონალის შიგნიც მათ გაერთიანებაშია. აპიტომ, თუ კონფერენციის დასაწყისში ბევრი პატარა სოციალისტური პარტია რომელიმე დიდი პარტიის აზრის ადევნებას და გამეორებას ცდილობდა, კონფერენციის დასასრულს და განსაკუთრებით აღმოსავლეთის კომისიაში უკვე სრულად დამოუკიდებლათ გამოდიოდა და პატარა ერთა მორალურ ძალასა და გაერთიანებაში ხედავდა თავის საკითხის სამართლიანათ გადაწყვეტის საუკეთესო გზას და საშუალებას.

26934

ამ აღმოსავლეთი გაიხსნა მუშაობა აღმოსავლეთის კომისიის. მისი თავმჯდომარე იყო ფრიდრიხ ადლერი. მომხსენებელი ოტო ბაუერი.

მომხსენებელმა თავიდანვე გააფართოვა კომისიის გასარჩევი საგანი და დაუკავშირა ის თანამედროვე კოლმონალურ პოლიტიკის საკითხებს. უმთავრესათ შორეულ აღმოსავლეთის საკითხს. მისი აზრით მთავარ წყაროს ომის საშიშროებისა აღმოსავლეთ ევროპაში წარმოადგენს ანტაგონიზმი დასავლეთ იმპერიალიზმისა, განსაკუთრებით ბრიტანეთის იმპერიისა, და საბჭოთა კავშირის შორის.

ამ ორ ძალაში, ბაუერის აზრით, მთავარ და რეალურ საშიშროებას ზავისათვის აღმოსავლეთში წარმოადგენს დასავლეთის იმპერიალიზმი, რომელიც რევოლუციურ აღმოსავლეთის და მისი დამხმარე ბოლშევიზმის წინააღმდეგ, ყვარდება რეაქციონურ ძალებს აღმოსავლეთ ევროპაში, აქ ახლად გაბატონებულ ნაციონალისტურ ბურჟუაზიას, და მსოფლიო რეაქციის მიზნებისთვის იყენებს ლომიტროფებს. ამიტომ ინტერნაციონალის უპირველესი მოვალეობაა ყოველი ძალდონით ებრძოდოს საბჭოთა რუსეთზე განზრახულ თავდასხმის განხორციელებას. რაც შეეხება საბჭოთა რუსეთის ავანტიურისტულ მსოფლიო პოლიტიკას, ამის დაძლევა შეიძლება რუსეთის შინაურ რევოლუციის დემოკრატიზაციით, საბჭოთა კავშირში მეტრძოლ სოციალისტურ პარტიებისთვის მხარის დაჭერით. ხოლო აღმოსავლეთ ევროპის სახელმწიფოებში—ლომიტროფებში და ბალკანეთში—ინტერნაციონალი უნდა ზრუნავდეს ეროვნულ უმცირესობათა ინტერესების დაცვას, საზღვრების სამართლიანად გადამიჯნას, ერთა თვითგამორკვევის პრინციპის სწორ და სავსებით გატარებას და სხვ.

რუსეთის ს.-დ. მ. პ. ლიდერმა, დანმა, თითქმის სავსებით გაიზიარა ბაუერის დებულებები. მას სურს მხოლოდ რეზოლიუციამ უფრო აშკარად და ხაზგასმით აღიაროს ზოგიერთი მომენტები, როგორც მაგ. ევროპის აღმოსავლეთ სახელმწიფოებში

გამეფებულ ნაციონალისტურ ბურჟუაზიის რეაქციონური როლი, რაც ომის საშიშროებას აძლიერებს. ის ითხოვს აგრეთვე, რომ რეზოლიუციამ განსაკუთრებული ენერგიით აღნიშნოს საჭიროება საბჭოთა კავშირში მეტროდოლ სოც. პარტიებისთვის რეალურ დახმარების ინტერნაციონალის მხრით. დანი აცხადებს აგრეთვე, რომ რ. ს.-დ. მ. პარტიისთვის სრულიად მიუღებელია ბოლშევიზმის წინააღმდეგ ძალადობის საშუალებით, აჯანყების გზით ბრძოლა, თუმცა ის არ მოითხოვს ამის რეზოლიუციაში შეტანას, რადგან, მისი აზრით, სოც. ინტერნაც. ჯერ საქმარისათ გასაკვეთი არ არის რუსეთის შინაურ მდგომარეობაში.

გ. ჩერნოვის (ესერი) აზრით აღმოსავლეთ ევროპაში ომის მთავარი საშიშროება მოსალოდნელია ბოლშევიზმისაგან, რომელიც რეაქციონურ ძალათ გადაიქცა და შორეულ აღმოსავლეთშიც მხოლოდ ავანტიურისტულ პოლიტიკას აწარმოებს. განზრახ წყალს ამღვრავს თავისი ბატონობის შესანარჩუნებლათ. ესერების ლიდერი ფიქრობს, რომ ინტერვენციის საშიშროების ხანა განვლილია და საბჭოთა რუსეთს არავითარი საფრთხე აღმოსავლეთ ევროპის სახელმწიფოებრიდან არ მოვლის.

კომისიის განსაკუთრებული ყურადღება მიიქცია შემდეგ პოლონელი ნეძიალკოვსკის (პ. პ. ს.) და იუგოსლავიელი მარქსისტის ტოპალოვიჩის გამოსვლებმა.

ნეძიალკოვსკი ამტკიცებს, რომ პოლონეთი დღეს არავითარ საშიშროებას წავისთვის არ წარმოადგენს, რადგან ხალხი იმდენათ დაქანცულია ომებისაგან, იმდენათ წინააღმდეგია ყოველგვარი ავანტიურის, რომ მას ვერავითარი მთავრობა ვერ ჩაითრავს ომში. პ. პ. ს. ენერგიულ ბრძოლას აწარმოებს პოლონეთის დღევანდელ ნაციონალისტურ მთავრობის წინააღმდეგ და იბრძვის ეროვნულ უმცირესობათა უფლებების დაცვისათვის. ნეძიალკოვსკი აცხადებს, რომ მისი პარტია იღებს თავის თავზე ვალდებულებას არ დაზოგოს ცდა, რათა ერთა თვითგამორკვევის პრინციპის ნიადაგზე მოვლასპარაკოს და შეუთანხმდეს, როგორც პოლონეთის ეროვნულ უმცირესობათ, აგრეთვე გერმანიის და რუსეთის სოციალისტებს სხვადასხვა სადაო საკითხების შესახებ (დანციგის კარიდორი, ზავის ხელშეკრულების მიერ გამოიჯნული საზღვრების გადასინჯვა და სხვ.).

ტოპალოვიჩი (იუგოსლავია), რომელსაც სიტყვა მრავალჯერ შეაწყვეტინეს აპლოდისმენტებით, მშვენივრად ახასიათებს ბოლშევიზმის ნამდვილ ბუნებას და მის როლს საერთაშორისო პოლიტიკაში. ის სავსებით იზიარებს კაუტსკის პოზიციას, რომ ბოლშევიზმი უკვე გადაიქცა რეაქციონურ ძალათ, რომელიც კბოჭავს რუსეთის ხალხის ცოცხალ ძალებს. იქ მოხდა. ბურჟუაზიული რევოლუცია. გლენებმა მიწა იგდეს ხელში და ახლა მის დამუშავებას შეუდგენ. გლეხურ მეურნეობის ზრდა აუცილებელი იყო. ზოგიერთები ამაში ხედავენ ბოლშევიზმის დამსახურებას. მარა ეს ასე არაა. ზრდა ხდება ბოლშევიზმის გამანადგურებელ საქმიანობის და პოლიტიკის მიუხედავად და მოწმობს მხოლოდ რუსეთის გლენების შინაგან სიძლიერეს, განვითარების უნარს. ორატორი სტატისტიკური ცნობებით ამტკიცებს, რომ სხვა ქვეყნებში, როგორც საფრანგეთში, იუგოსლავიაში და სხვაგან გლენის მეურნეობამ რუსეთთან შედარებით, 10—20-ჯერ წინ წაიწია ომის დასრულების შემდეგ. ასეთისავე შედეგებს მიიწვევდა რუსის გლენობაც, რომ ბოლშევიკური რეჟიმი წინ არ ელოდებოდა. რადგან რუსეთში ძალადობის და ტერორის—დღეს ერის ბოროტეობია. მისი ძალით გადმოგდება არავითარ რეაქციის საშიშროებას არ შეიკავს. სალი რუსის გლენობა და მუშათა კლასი მის ნანგრევებზე დემოკრატიულ წყობილებას დაამკვიდრებს.

14 ორატორი იყო კიდევ ჩაწერილი, როცა გადაწყდა სარედაქციო კომისიის არჩევა რეზოლიუციის დასამუშავებლათ. არჩეულ იქნენ ბაუერი (მოხსენ.), დანი, ნეძიანკოვსკი, სუზომლინი და ირ. წერეთელი, რომლის კომისიაში შეყვანა მოითხოვეს ლიმიტროფების პარტიებმა.

შემდეგ სდომანზე ამ კომისიამ შემოიტანა კომპრომისული რეზოლიუცია. რომელიც თვით კომისიასაც არ აკმაყოფილებდა. გაიმართა ხელახალი კამათი რომელშიც მონაწილეობა მიიღო ინგლისის (მარგარიტ ბონფილი) და გერმანიის (ველსი) წარმომადგენლებმა და სხვ.

პირველმა მთელი როგი შესწორებები შემოიტანა, რომელიც მოითხოვდა ზოგიერთ პუნქტებში საბჭოთა რუსეთის ნაცვლათ—კომინტერნის მოხსენებას, რუსეთის საერთაშორისო მდგომარეობის გაუმჯობესების აღნიშვნას ინტერნაციონალის ჩარევის გამო და ამ მიზეზით რუსეთის ხალხისთვის მიმართვას, რომ უკანასკნელმა იბრძოლოს



დღევანდელ რეჟიმის წინააღმდეგ და თავისუფლების დასამყარებლათ. მეორემ აღნიშნა სრული ერთ და იგივეობა კომინტერნის და საბჭოთა მთავრობის, ამ საბუთით მიემხრო ინგლისის შესწორებებს.

ლონგე ომის მთავარ მიზეზათ აღმოსავლეთში თვლის ბოლშევიზმს, რომელსაც ომი შინ და გარეთ მიღებული აქვს, როგორც მთავარი საშუალება მსოფლიო რევოლუციის. ბოლოს რენოდელის, ლენ ბლიუმის და პოლ-ფორის სახელით შემოაქვს შესწორებები, რომელმაც ეს აზრი უნდა გამოხატოს რევოლუციაში.

ხელახლა შეავსეს მცირე კომისია ინგლისის, საფრანგეთის და გერმანიის წარმომადგენლებით და დააეხადეს საბოლოო შემუშავება რევოლუციის. კომისიაში თითქმის ყველა შესწორებების შესახებ მიღწეულ იქნა თანხმობა, მხოლოდ ე.წ. «ფრანგული შესწორება» ვერ გავიდა, 4 ხმით—4 წინააღმდეგ ის უარყოფილ იქნა.

კომისიის საერთო სხდომაზე ამავე შესწორებამ გამოიწვია ვრცელი დებატები. ილაპარაკა ლონგემ (საფრანგეთი) რომელმაც განმარტა თავის ზემოთ მოყვანილი აზრი, ი.რ. წერეთელმა—რომელმაც გაუსვა ხაზი ბოლშევიზმის საშიშროებას, მის მეომარ ბუნებას და აღნიშნა, რომ ევროპაში ომის საშიშროება ებრძვის და ანელებს მუშათა კლასის ძლიერი წინააღმდეგობა. საბჭოთა რუსეთი კი არასიდან ასეთ წინააღმდეგობას არ ხვდება, რადგან იქ დიქტატორით ჩაკლულია დემოკრატიის ხმა. თუ მას ის საბუთი მივეციტ ხელში, თითქმის მის წინააღმდეგ საომრათ ემზადებიან და თავდასხმას უპირებენ იმპერიალისტური ქვეყნები, ამით მხოლოდ გამართლებულ იქნება რუსეთის ხალხის თვალში მათი სამხედრო სამზადისი და ომის საფრთხის გაძლიერებას უნებლიეთ ხელს შევუწყობს. რევოლუციის პირველი მუხლი სწორეთ ასეთ საშიშროებას შეიცავს, ამიტომ იგი უნდა შეიცვალოს. სწორი შეფასება საბჭოთა რუსეთის საფრთხის, მისგან მოსალოდნელ ომის ალის გაჩაღების, გაფრთხილება იქნება პროლეტარიატის და ეს საუკეთესო თავდება მშვიდობიანობის. ევროპის პროლეტარიატმა არ უნდა დაივიწყოს, რომ კაპიტალისტურ იმპერიალიზმის გვერდით არსებობს ეს წითელი საბჭოთა იმპერიალისტური საფრთხე და მას შეგნებულათ შეებრძოლოს. ი.რ. წერეთელმა აღნიშნა აგრეთვე საშიშროება რუსეთისგან ლიმიტროფებზე თავდასხმის წარბაით, რომ ამტანტამ არ გამოიყენოს ისინი ჩემს წინააღმდეგ. აი ამ საბუთის წართმევა ბოლშევიკებისთვის აუცილებელია ომიანობის შიშის შესასუსტებლათ და ეს უნდა სთქვას გადაჭრით საერთაშორისო მუშათა კონგრესმა.

რამდენიმე ორატორის შემდეგ კენჭის ყრით კომისიამ შესწორება უარყო 148 ხმით 122 წინააღმდეგ. წინააღმდეგი იყვენ თითქმის ყველა აღმოსავლეთ ევროპის სოციალისტები, ფრანგები, ბელგიელები და სკანდინავიის პარტიები. მათ შორის იყო ბევრი ისეთებიც, რომელნიც წინეთ ვენის ინტერნაციონალში შედიოდნენ.

პლენალურ სხდომაზე რევოლუცია ვრცელ და მქერბტყველურ სიტყვაში დაიცვა ბაუერმა, რომელმაც მოუწოდა ოპოზიციას ერთსულოვნება არ დაერღვიათ და რევოლუციისთვის ხმა მიეცათ.

რევოლუცია მართლაც ერთხმათ იქნა მიღებული. მაგრამ ოპოზიციის ნიადაგზე მდგომმა პარტიებმა საჭიროთ სცნეს კენჭის ყრის წინ გაეკეთებიათ საგანგებო განცხადება, რაც დებრიუერის მიანდვის. მოგვყავს ის აქ სახსებთ:

დებრიუეტი (ბელგია). ამხანაგებო. მე მინდა მივბაძო ამხანაგ ტურატის მაგალითს; რომელმაც დასავლეთ ევროპის რევოლუციის კენჭის ყრის წინ რამოდენიმე პარტიის სახელით გააკეთა რეზერვი იმ რევოლუციის შესახებ.

მე გამოვდივარ საფრანგეთის, პოლონეთის, საქართველოს, ფინლიანდიის, უნგრეთის, იუგოსლავიის, ბულგარეთის, სომხეთის, ლატვიის და ბელგიის სახელით. შევეციის პარტია ემხრობა ჩვენს პოზიციას და მისი წარმომადგენელი გამოვა, ალბათ, სათანადო განცხადებით.

ჩვენ უნდა განვაცხადოთ, რომ აღმოსავლეთ ევროპის შესახებ წარმოდგენილ რევოლუციაში ბევრი რამ არ მოგვწონს. როგორც მოგახსენათ ამხ. ბაუერმა, ჩვენ სამი დღის განმავლობაში ვიბრძოდეთ რევოლუციაში ჩვენი შეხედულების გასატარებლათ. ბევრ რამეში მივიღეთ დაკმაყოფილება, მაგრამ ბევრი რამ კიდევ რჩება რევოლუციაში, რის გამოთქმას ჩვენ სხვაგვარად ვამჯობინებდით.

ამხ. ბაუერის აზრით დასავლეთ ევროპის პარტიებს არ შეუძლიათ კტონდეთ ისეთი სწორი წარმოდგენა აღმოსავლეთ ევროპის არ რუსეთის საქმეების შესახებ, როგორც რუსეთთან ახლო მდებარე ავსტრიის პარტიას. მე მგონია, რომ ბევრი იმ ქვეყა-

ნათვანი, რომელთა სახელით მე აქ ვლაპარაკობ, როგორც მაგ. ფინლანდია, ლატვია, იუგოსლავია, საქართველო, სომხეთი, უფრო ახლო არიან რუსეთთან და არა ნაკლები საშუალება აქვთ გაცნობილი იყვენ მის მდგომარეობას, მით უმეტეს, რომ ამ ქვეყნებს ატყდება თავს უპირველესათ საბჭოთა რუსეთის იმპერიალიზმის მუქარა. და ჩვენ გვგონია, რომ ეს მუქარა, ეს საშიშროება ომის, რომელსაც უქადის საბჭოთა რუსეთი აღმოსავლეთ ევროპას, არ არის საკმარისი სისწორით დაფასებული რევოლიუციოში. ეს არის მთავარი რეზერვი, რომლის ვაკეთება ჩვენ გვსურდა. სწორ დაფასებას ომის საშიშროებისას აღმოსავლეთ ევროპისთვის იძლეოდა ე. წ. ფრანგული შესწორება, რომელსაც ჩვენ ვიცავდით და რომელიც მცირე უმრავლესობით უარყოფილ იქნა კომისიის მიერ.

ამას გარდა, რევოლიუცია ეხება კოლონიალურ საკითხებს და რამდენიმე სწევრს კიდევ მათ წინასწარ, მაშინ როდესაც ჩვენ აქ მოვისმინეთ ამხ. პიერარის მოხსენება კოლონიალურ საკითხზე და კონგრესმა საჭიროდ სცნო არსებითი დადგენილებანი მის შესახებ მომავლისათვის გადაედო. ასე რომ წარმოდგენილი რევოლიუცია ეწინააღმდეგება ერთგვარად კონგრესის დადგენილებას კოლ. საკითხის შესახებ.

მე უნდა აღვნიშნო აგრეთვე ის გარემოება, რომ რევოლიუცია მოითხოვს საბჭოთა რუსეთის ერთა ლიგაში შესვლას, რასაც ჩვენ, რა თქმა უნდა, მხარს ვუჭერთ. მაგრამ რადგან ეს საკითხი მოხსენებულა რევოლიუციოში, საჭირო იყო აღგვენიშნა აგრეთვე, რომ სოვეტებმა ლიგაში შესვლისას უნდა იკისრონ და განახორციელონ ის საერთაშორისო ვალდებულებანი, რომელნიც ერთა ლიგის პაქტიდან გამომდინარობენ.

ასეთია ჩვენი რეზერვები. მაგრამ ჩვენ ანგარიშს ვუწევთ რევოლიუციის დადებით მხარეებსაც: ის გადაჭრით აღიარებს ერთა თვითგამორკვევის უფლებას და მოითხოვს ყველა დაჩაგრულ ერების ვინც არ უნდა იყოს მათი მხაგვრელი—თავისუფლების აღდგენას. რევოლიუცია სამართლიანად აღნიშნავს რუსეთში გამეფებულ ძალმომრეობის რეჟიმის უარყოფით როლს საერთაშორისო ურთიერთობისთვის და მოუწოდებს რუსის ხალხს შეებრძოლოს მის დღევანდელ მთავრობის ანტი-დემოკრატიულ და ანექსიონისტურ პოლიტიკას. ის აღუთქვამს დანხარებას საბჭოთა კავშირის სოციალისტურ პარტიებს მათ ბრძოლაში ტირანიის წინააღმდეგ.

ამხანაგებო, არის საკითხები, რომელიც ინტერნაციონალის სინდიის ეხება და მათზე დამწვიდებით ლაპარაკი შეუძლებელია. როცა მე აქ, ამ დარბაზში, ვხედავ ქართველ ამხანაგებს, გადმოხვეწილებს. დევნილებს, მე მიპყრობს გრძობა არა სოციალისტებისა—ეს მათთვის შეუზღაცყოფა იქნებოდა—არამედ მწვავე სირცხვილის იმის გამო, რომ ჩვენი ინტერნაციონალი ჯერ კიდევ იმდენათ სუსტია, რომ საქართველოს მიმართ ჩადენილი ბოროტების ძლევა არ შეგვიძლია (საერთო აპლოდისმენტები) და რომ ქართველი ხალხის ნამდვილი წარმომადგენელნი თავის ქვეყანას და თავის ხალხს მოწყვეტილი არიან საბჭოთა ძალმომრეობის წყალობით.

ასევე სირცხვილის გრძობას იწვევს მდგომარეობა რუს სოციალისტურ პარტიების, რომელთაც თავიანთ სამშობლოს კარს უხშობს იქ გამეფებული ძალმომრეობის ხელისუფლება. (აპლოდისმენტები).

ამხანაგებო, ყველა ეს მოსაზრებები მოითხოვდა, რომ ინტერნაციონალს თავის რევოლიუციაში უფრო გარკვეული და ენერგიული პოზიცია დაეკავებია აღმოსავლეთ ევროპის საკითხში და კერძოდ საბჭოთა რუსეთის უარყოფითი როლის შესახებ. მაგრამ, იმ პარტიებმა, რომელთა სახელით მე აქ ვლაპარაკობ, მიიღეს რა მხედველობაში მიღწეული გაუმჯობესობანი რევოლიუციაში, მიიღეს რა მხედველობაში, განსაკუთრებით, ინტერნაციონალის მთლიანობის და ერთსულელობის მნიშვნელობა, დაადგინეს, ჩემ მიერ ზემოაღნიშნულ რეზერვების აღნიშვნით მისცენ ხმა მომხსენებელის მიერ წარმოდგენილ რევოლიუციას. (საერთო ტაში).

აღმოსავლეთის კომისიის რევოლიუცია უკანასკნელი საკითხით ისეა. უკვე შუაღამე გადასული იყო, როცა თავმჯდ. და რამოდენიმე ორატორის საბოლოო სიტყვის შემდეგ, რომელიც შორის აღსანიშნავია შინაარსიანობით პოლ-ფორის სიტყვა. კონგრესი დაიხურა ინტერნაციონალის სიმღერით. შემდეგი კონგრესი მოხდება 1927 წელს, მოსალოდნელია ინგლისში, როგორც ეს განაცხადა ჰენდერსონმა.

## რწმუნობა გვრძობის და ანობის აღმდგენლობის შესახებ.

მაშინ, როდესაც დასავლეთ ევროპის საერთაშორისო ურთიერთობა მუშათა კლასის განუწყვეტელი ზედმოქმედების გამო თანდათან მშვიდობიანობის გზაზე დგება, აღმოსავლეთ ევროპის მდგომარეობა საშიშარ ხასიათს ღებულვით, და მუშათა სოციალისტურ ინტერნაციონალს განსერიოზულ და ყურადღებით განხილვას მოითხოვს.

ინგლისის მუშათა მთავრობის კაბინეტის გადადგომის შემდეგ ანტაგონიზმი კაპიტალისტურ-იმპერიალისტურ სახელმწიფოების, კერძოდ ბრიტანეთის იმპერიის, ერთ მხრით და რუსეთის საბჭოთა კავშირის მეორე მხრით საშიშრათ გამოწვევდა.

კაპიტალისტურ-იმპერიალისტურ სახელმწიფოებში, ძლიერდება ელემენტები, რომელნიც ჩინეთის, ინდოეთის და მუსულმანურ ქვეყნების ნაციონალურ-რევოლუციური მოძრაობით შემინებულნი, რუსეთის საბჭოთა კავშირის წინააღმდეგ აგრესიულ პოლიტიკის წარმოებას მოითხოვენ.

კომუნისტური ინტერნაციონალი თავის მხრივ ავრცელებს ილიუზიებს თითქოს მუშათა განთავისუფლების შეიძლებოდეს გამარჯვებული წითელი არმიის ხიშტებით, და თითქოს ახალი მსოფლიო ომი იყოს საჭირო მსოფლიო რევოლუციის მოსახდენათ. ის ხელს უწყობს ნაციონალურ რევოლუციურ მოძრაობას აზიასა და აფრიკაში იმ იმედით, რომ მათზე დაყრდნობით, სასიკვდილო ლახვარს ჩასცემს კაპიტალიზმს.

ამ მოწინააღმდეგე ტენდენციებიდან იხადება სერიოზული საშიშროება ომის. ეს საშიშროება პირველ ყოვლისა ემუქრება ახალ სახელმწიფოებს, რომელნიც ბალტიის და შავ ზღვას შუა და ბალკანეთში მდებარეობენ. ცხადია, ამ სახელმწიფოთა წარმოშობა, — შედეგია რომანოვების, ჰამბურგების და ჰოპენცოლერნების უღლიდან ხალხთა განთავისუფლების — არის მნიშვნელოვანი გამარჯვება დემოკრატიის, მარა ამ გამარჯვებას ამცირებს ის გარემოება, რომ ამ ახალ სახელმწიფოთა საზღვრები შემოიხაზა იმპერიალისტურ სახელმწიფოების გავლენით და თანახმად მათი ინტერესებისა, და რომ მრავალ შემთხვევაში დარღვევულ იქნა უფლება ერთა თვითგამორკვევის, და უფლება ეროვნულ უმცირესობის.

აქედან გამომდინარეობს გამუდმებული მოუსვენრობა და შიშინაობა ევროპის ამ ადგილებში, რასაც აძლიერებს ბევრ მთვანში გამეფებული რეაქცია და ამძიმებს შემდეგი ორი გარემოება:

ერთი მხრით ამ ქვეყნებს ემუქრება სახელმწიფო გადატრიალება, რომელსაც აწყობს კომუნისტური ინტერნაციონალი, რათა ამ საბაბით მათ სომხეთის და საქართველოს ბედი განუმზადოს.

მეორე მხრით კი კაპიტალისტურ-იმპერიალისტურ სახელმწიფოებს შეუძლიათ ეს ქვეყნები თავის იარაღთა გამოიყენონ საბჭოთა რუსეთის წინააღმდეგ ბრძოლაში. საქმის ასეთი მდგომარეობა მით უფრო დიდს საფრთხეს წარმოადგენს, რომ ყოველი კონფლიქტი აღმოსავლეთში ცეცხლის ალში გახვევას ემუქრება მთელ მსოფლიოს.

იღებს რა მხედველობაში ამ საშიშროებას, კონგრესი აცხადებ:

1. ინტერნაციონალი გადაჭრით (ყოველი პირობის გარეშე) იცავს ახალ სახელმწიფოთა თავისუფალ და დამოუკიდებელ არსებობის უფლებას.

ინტერნაციონალი ხელახლა და სრულიად გადაჭრით აცხადებს, რომ ყველა სოციალისტურ პარტიების, განსაკუთრებით დიდი მსოფლიო სახელმწიფოების და რუსეთის მოსახლეობის სოციალისტური პარტიების მოვალეობაა — შეებრძოლონ საბჭოთა კავშირის წინააღმდეგ მიმართულ ყოველივე აგრესიულ პოლიტიკას და მოითხოვონ აღდგენა მშვიდობიანი პოლიტიკური ურთიერთობის და ნორმალურ ეკონომიურ დამოკიდებულებისა მასთან.

კონგრესი სიამოვნებით აღნიშნავს საბჭოთა კავშირის საერთაშორისო მდგომარეობის გაუმჯობესებას, რომელიც მოხდა უკანასკნელ ჰამბურგის კონგრესის შემდეგ — უმთავრესათ სოც. მუშ. ინტერნაციონალის ზედგავლენით. გერმანიის, ინგლისის, იტალიის, ავსტრიის, საფრანგეთის, იაპონიის და მრავალი სხვა სახელმწიფოს მიერ საბჭოთა კავშირის უფლებრივმა ცნობამ გაარღვია დიპლომატიური ბოიკოტი, რომლის მოწყობას ცდილობდნენ კაპიტალისტური სახელმწიფოები.

ეს გარემოება უფლებას აძლევს ინტერნაციონალს მოუწოდოს რუსის ხალხს

იბრძოლოს საბჭოთა კავშირში სრული პოლიტიკური და პროფესიონალური თავისუფლების აღსადგენათ და წინააღმდეგ მისი მთავრობის ყოველივე აგრესიულ და ანექსიონისტურ პოლიტიკას, ისე როგორც ყოველგვარ პრაპაგანდას, რომელსაც სხვა ქვეყნების შინაურ საქმეებში ძალით ჩარევა აქვს მიზნით დასახული.

სოციალისტურ მუშათა ინტერნაციონალს კარგათ ესმის, რომ ომის სიშიშროება დიდად შემცირდებოდა, თუ ომის და ზავის საკითხის გადაჭრა საბჭოთა კავშირში ექნებოდა ხელში არა დიქტატორულ ხელისუფლებას, არამედ თვით საბჭოთა ფედერაციის ხალხებს. ამიტომ ინტერნაციონალი მთელი თავისი ძალდონით უჭერს მხარს საბჭოთა ფედერაციის სოციალისტურ პარტიების მისწრაფება საბჭოთა კავშირის რეჟიმის დემოკრატიზაციისა და პოლიტიკურ თავისუფლების აღდგენისაკენ მიმართულს.

2. სოც. მუშათა ინტერნაც. მიესალმება ჩინეთის, ინდოეთის და მაკადაიან ქვეყნების მშრომელთა ფართო მასების გამოღვიძებას. ს. მ. ი. სწამს, რომ ხელახალი მსოფლიო ომის თავიდან აცილება მხოლოდ იმ შემთხვევაში შესაძლებელი, თუ ევროპა-ამერიკის დემოკრატია თვით იცნობს ყველა ხალხის თვითგამორკვევის უფლებას და განახორციელებს მას მიუხედავად ევროპა-ამერიკის იმპერიალიზმისა. ამიტომ ს. მ. ი. ავალებს ყველა სოციალისტურ პარტიებს აწარმოონ განუწყვეტელი და ენერგიული ბრძოლა აზიის და აფრიკის დამორჩილებულ ხალხთა თვითგამორკვევის უფლებისათვის.

ინტერნაციონალი სრულს სოლიდარობას უცხადებს ჩინეთის მშრომელთა და განსაკუთრებით მოითხოვს ჩინეთის უცხო ულლიდან განთავისუფლებას, კონცესიების სისტემის მოსპობას და დაუყვანებლივ სოციალური კანონმდებლობის შემოღებას ჩინელ მუშების დასაცავათ უსახლვრო ექსპლუატაციისაგან.

3. ს. მ. ი. მოითხოვს თვითგამორკვევის უფლების მინიჭებას ყველა იმ ხალხებისათვის, რომელნიც 1918 წლის შემდგომ საზავო ხელშეკრულების ან ელჩთა კონფერენციის დადგენილებათა ძალით იჩაგრებიან უცხო ბატონობის ქვეშ, ამასვე მოითხოვს აგრეთვე საბჭოთა კავშირის იმ ხალხებისთვის, რომელთაც რევოლუციის დროს მოიპოვეს დამოუკიდებლობა, როგორცაა სომხეთი, საქართველო, უკრაინა და სხვ.

ს. მ. ი. მოუწოდებს ყველა მის შემადგენელ პარტიებს, ენერგიულათ დაიცვან ეროვნულ უმცირესობათა უფლებები, მოითხოვონ იმ ეროვნულ უმცირესობათათვის, რომლებიც მთლიან ტერიტორიაზე ბინადრობენ—ავტონომია, ხოლო გაფანტულ უმცირესობათათვის უფლებრივი თანასწორობა, დედა-ენის ხმარების თავისუფლება, და თავისუფლება სკოლის და კულტურის განვითარების.

ინტერნაციონალი აღიარებს, რომ ხანგრძლივი ზავი მხოლოდ იმ შემთხვევაში იქნება უზრუნველყოფილი, თუ საერთაშორისო უფლება განვითარდება ერთა ლიგის პაქტის მე-19 მუხლის პრინციპის თანახმად ისე, რომ შესაძლებელი გახდეს ეროვნული სტატუსის გადასინჯვა სახლერების შესახებ თანახმად ხალხთა თვითგამორკვევის უფლებისა ისეთ მშვიდობიან საშუალებებით, როგორცაა სამედიატორო სასამართლო და პლემბისციტი,—რათა დამორჩილებული ერები ახალი ომებისაგან აღარ მოვლოდნ თავის განთავისუფლებას. მარა ინტერნაციონალი აღიარებს, რომ შეუძლებელია ამ პრინციპის აღმოსავლეთ ევროპაში გატარება, სანამ საბჭოთა კავშირი არ შევა ერთა ლიგაში.

4. ს. მ. ი. უსასტიკესათ გმობს ძალმომრეობის აქტებს და ტერორს, რომელიც მძინვარებს ზოგიერთ ქვეყნებში და განსაკუთრებით ბულგარეთში და მოუწოდებს ყველა სოციალისტებს მთელი თავისი ძალდონით წინააღმდეგ ყოველივე ძალადობის აქტს და მოითხოვონ მოსპობა ყოველგვარი ტერორის.

სოციალიზმი და კომუნისმი დახაკვლეთი.

(საინფორმაციო).

ცნობები მუშათა სოც. ინტერნაციონალის შესახებ. მუშათა სოციალისტური ინტერნაციონალი დღეს ერთი უდიდისი და უძლიერესი ორგანიზაციაა, რომელიც თავს უყრის და საერთო ყალიბში ასხამს მსოფლიო მუშათა მოძრაობას. იგი აერთებს დღეს 44 პარტიას, რომელნიც წარმომადგენელი არიან 34 ქვეყნიდან. მათ წევრთა რიცხვი 6.250.000 აღწევს, ამათგან 750.000 მუშა-ქალბია. ინტერნაციონალის



სექციებს სხვადასხვა ქვეყნებში ყავთ პარლამენტში საერთო რიცხვით 1.022 დეპუტატი, ყველ-დღიურ სოციალისტურ გაზეთების რიცხვი უდრის 312, აქედან ყველაზე მეტი გერმანიაში (167). შემდეგ დანიაში (61) და სხვ.

იმ პროფ. კავშირებში, რომელნიც ამ ინტერნაციონალს მხარს უჭერენ, გაერთიანებულია 15.500,000 მუშა.

უკანასკნელ არჩევნებში სოციალისტურმა პარტიებმა თავი მოუყარეს 30 მილიონ ამრჩეველს. ეს ვებებრთელა არმია მიყვება მის ლოზუნგებს.

ევროპაში თითქმის ყველა სახელმწიფოებიდან შედიან სოციალისტები ინტერნაციონალში. გამონაკლისია შვეიცარია, რომლის სოც. პარტია დღემდე განზე დგას, მაგრამ მოკლე ხანში მისი შემოსვლაც მოსალოდნელია.

ევროპის მუშათა მოძრაობას მხარში უდგებიან ამერიკის მუშებიც (შერთებულნი შტატები, არგენტინა და სხვ.), თუმცა იქ ჯერ კიდევ ძლიერია პარტიკულიაზმი და სოციალისტური მოძრაობა შედარებით სუსტია.

აზიიდან აღსანიშნავია პარტიები იაპონიის, ჩინეთის, სადაც უკანასკნელ მოძრაობაში სოც.-დემოკრატია თანდათან იკრებს სიმპატიებს თავის გარშემო, და ნიადავს აცლის მოსკოვის აგენტებს, რომელთაც სურთ თავის ჭკუაზე ათამაშონ ამოძრავებელი რევოლუციური მასები, და სხვ.

ამ რიგვით სოციალისტური ინტერნაციონალი მართლა მსოფლიო ორგანიზაციაა, რომლის ძალა და გავლენა დღითი დღე იზრდება. თავის 30 მილიონიანი არმიით იგი იპყრობს მთელ ქვეყნიერებას, როგორც იდეა და როგორც მომქმედი ძალა იგი ერთი უდიდესი და უმნიშვნელოვანესი ფაქტორი ხდება კაცობრიობის გარდაქმნის, სამართლიანობის და თავისუფლების საფუძველზე.

სოციალისტური პარტიები ყველგან ლეგარულია, გარდა საბჭოთა რუსეთისა, სადაც მათ სოციალიზმის სახელით სდევნიან კომუნისტები.

მუშ. ინტერნ. სეკრეტარიატი. უკანასკნელ კონგრესზე ინტერნაციონალის მდივნათ არჩეულ იქნა ფრ. ადლერი. სეკრეტარიატი ლონდონიდან გადმოტანილ იქნა შვეიცარიაში—ციურხში.

კომპარტიის რღვევა გერმანიაში. ქართველმა მკითხველმა მოსკოვის ოფიციალურ პრესიდან უნდა იცოდეს გერმანიის კომპარტიის სავალალო ბედი უკანასკნელი წლის განმავლობაში. მას მოსკოვი სულ ახალ-ახალ ბრძანებებს უგზავნის და სულ უფრო და უფრო ანგრევს. ბოლოს კომინტერნის უნიჭო პაპმა, ზინოვიევი, საჭიროთ დანახა საქვეყნოთ გამოსულიყო გამანადგურებელი კრიტიკით მის წინააღმდეგ და მოეთხოვა მისი კიდევ ერთხელ გადახალისება. გაისმა ბრძანება: ისევ მარჯვით დაიხიეთო! მაგრამ ეს «ახალი კურსი» მხოლოდ ახალ არევიარევის იწვევს კომინტერნის გერმანელ ლაშქარში: გახალა შინაგანი დისკუსია, რომლის გამო კომუნისტური «როტე ფანე» სჩივის: «ის ამხანაგები, რომელთაც ხრიკები და მანიოვრები შემოაქვთ პარტიულ დისკუსიაში, 40 პროცენტს ჰკლამობენ, 60-ს კი არა-ს, და ამით ფიქრობენ გაექცენ გარკვეულ გადაწყვეტილებას, ეს ამხანაგები აწარმოებენ დისკუსიას, რომელსაც პარტია განზრუნისავე მიჰყავს». ეს ამხანაგები ვახლავან ის შემარტყნე კომუნისტები, რომელთაც არც ზინოვიემ «პაროლის» მიღება სურთ, არც თავიანთი პორტების «მემარჯვენეებისთვის» დათმობა. მემარჯვენეები კი მისწრაფიან ურჩები გააძევენ, და მათ ალაგას მოსკოვის სუფრაზე თვით წამოსკუბდენ. იწყება აყალმყალი, დავა, ინტრიგები, რაც გულს უტრუებს იმ შედარებით მცირე რიცხვს მუშებისას, რომელიც ჯერ კიდევ შერჩენია კომუნისტურ რიგებს გერმანიაში. მუშები მასიურათ გარბიან ზინოვიევის საბრძანებლიდან. აი მაგალითი: პალლე-მერსბურგის ინდუსტრიულ რაიონში (შუა-გერმანია) კომპარტიას 1923-ში 28,000 წევრი ყავდა; ამთგან—მარტო ქალაქ პალლეში—8,000. ესლა კი მთელს შუა-გერმანიაში, თვით კომუნისტური სტატისტიკით, ითვლება მხოლოდ 8,000 წევრი! გაქცევიათ 20,000. კარგი შემატება!

გერმანიის კომპარტია და «მუშათა დელეგატები» საბჭოთა ქვეყნებში. რა უშველის კომპარტიების შეუჩერებელ კატასტროფიულ რღვევას? მართლ ფულის ხარჯი საკმაო არაა. საჭიროა მორალი და იდეა. და რადგან ევროპის კო-

მუნისტები მოსკოვის ანარქლია, იდეას და მორალსაც იქიდან მოვლიან. მოტანა კი ევალეზა რუსეთში წარგზავნილ «დელეგაციებს». მათ უნდა გამოაცოცხლონ ევროპაში მომავლადი კომუნ. მოძრაობა და მას სული ჩაბერონ საბჭოთა ქვეყნების მაგალითით. ეს მათი უქანასკნელი იმედი და სასოებაა. აი თვით კომუნისტების დოკუმენტი ამაზე, რომელიც გერმანიის ს.-დ. გაზეთ «ფორვერტსში» გამოქვეყნდა.

სექტემბერში ქ. კელნში მოხდა საოლქო კონფერენცია კომპარტიის ხელმძღვანელების, როგორც კონფერენციის ანგარიში მოგვითხრობს, მისი ერთი მონაწილე კლუბერი აკეთებს მოხსენებას:

«უახლოეს დროში უნდა გაიმართოს მასიური კრებები, რომელზედაც რუსეთიდან დაბრუნებულმა დელეგატებმა თავისი შთაბეჭდილებები უნდა გაუზიარონ მუშებს. დელეგაცია აუარებელი ფული დაჯდა და თუ მისი შედეგების ფართოდ გამოყენება ვერ შესძლებილთ სააგიტაციოთ, პარტიის საქმე რამოდენიმე წლით დაკარგულია. რუსეთიდან დაბრუნებული დელეგატები უნდა გახდნენ მთავარი «დამკვერელი ნომერი» კომუნისტების... დამარცხება აქ მიძინე შედეგებს გვიქადას. პარტიას, როგორც ასეთს, აბსოლიუტურად დასაჯირება დიდი შთაბეჭდილების მოხდენა საზოგადოებრივ აზრზე, რადგან ამას დიდი ხანია წინასწარმეტყველებს კომუნისტური პრესა». მაგრამ «დიდი შთაბეჭდილების მოხდენისათვის» საქმე და დელეგატების მოხსენება დასახულ მიზნის შესაფერი შინაარსის იყო. ამიტომ. ამბობს აღნიშნულ კონფერენციის ანგარიში, «რუსეთის დელეგაციამ წერილობით უნდა წარუდგინოს თავისი მოხსენება ხელმძღვანელ პარტიულ ორგანოს; აქ მოხსენება გადაამუშავებული იქნება საქმის ინტერესის მიხედვით და გადამუშავებულ ფორმით დაუბრუნდება დელეგატებს».

ამის შემდეგ გასაგებია «მუშათა დელეგაციების» საქციელი რუსეთში და საქართველოში. «მუშათა დელეგატები» არიან კომუნისტების ჩვეულებრივი აგენტები. რომლებმაც დაკვეთილი მოხსენებები უნდა ჩაიტანონ ევროპიდან რუსეთში და რუსეთიდან ევროპაში. საქმის ვითარებას ოდნავათაც არ სცვლის ის გარემოება, რომ კომუნისტებმა რამოდენიმე გულუბრყვილო სოც.-დემ. მუშაც გააბრყვეს და ამ ბნელ საქმეში გააბეს. მათი სახელი ნდობის მოსაპოვებლათ სჭირდებათ, რადგან კომუნისტს აქ არავინ ენდობა. ბოლო ხანებში, გერმანიის სოც.-დემ. პრესის წყალობით ღათ აქაც კოვზი ნაცარში ჩაუვარდათ. მათი ქვენა მიზნები გამოაშკარავებულ იქნა და ამ კომედიას უკვე დაეკარგა ფასი და მნიშვნელობა. ამიერიდან პარტიისანი მუშა მათ კომედიასში მონაწილეობას ვერ მიიღებს. ხოლო ვინც მათ ფულისთვის გაყვება, იმას პარტიისათა რიცხვი ვერავინ ჩათვლის.

მალაროს მუშათა ინტერნაციონალი და საბჭოთა მთავრობა. რა მოდენიმე თვის წინათ რუსეთის მალაროს მუშათა პროფკავშირმა ითხოვა მალაროს მუშათა საერთაშორისო კავშირში შესვლა. უქანასკნელის ცენტრალურმა ორგანიზაციამ გაარჩია ეს თხოვნა და გადასწყვიტა გაიგზავნოს რუსეთში დელეგაცია მცოდნე პიროვნებთან, რომელთაც აღივლიდა უნდა შეესწავლათ რუსეთის მალაროს მუშების სიტოვების პირობები და მათი პროფეს. ორგანიზაციის ხასიათი. მაგრამ მოსკოვის მთავრობამ მალაროს მუშათა ინტერნაციონალის მიერ დანიშნულ დელეგაციის რამოდენიმე წევრს უარი უთხრა რუსეთში შესვლის ნებართვანზე. საქმე იმაშია, რომ ეს დელეგაცია შედგენილი იყო არა იმ წესით, რომლითაც ჩვეულებრივ ადგენენ ხოლმე საბჭოთა მთავრობის მიერ რუსეთში მიწვეულ დელეგაციებს,—არა მოკომუნისტო ხალხისაგან, რომელთაც რუსი კომუნისტები თავის ნებანზე ათამაშებენ, არამედ ენის და რუსეთის პირობების მცოდნე პიროვნებან, რომელთაც საშუალება აქვთ მართლად განარკველიონ რუს მუშების ცხოვრების პირობები და რუსეთის სინამდვილე საკუთარი თვლით და არა კომუნისტური «სათვალედობით». აი სწორეთ ასეთ წევრებს მალაროს მუშათა დელეგაციიდან უარი უთხრა სოვეტებმა რუსეთში შესვლაზე და ამით გამოაშკარავეს თავის შიში მიუდგომელ მოწამის წინაშე.

მალაროს მუშათა ინტერნაციონალურმა კომიტეტმა გასულ სექტემბრის სხდომაზე ბრუსელში განიხილა სოვეტების ეს გადაწყვეტილება და ერთხმად დაადგინა ეცნობოს საბჭოთა მთავრობას, რომ, თუ არჩეულ დელეგაციის თუ გინდ ერთ წევრს არ მიეცა რუსეთში შესვლის ნება, არავითარი დელეგაცია არ იქნება გაგზავნილი.



შვედი კომუნისტები უერთდებიან ს.-დ. პარტიას. შვეციაში ორი კომუნისტური პარტია არსებობს: ერთია «კომ. პარტია»—რომელსაც 5000 წევრი ყავს, უკანასკნელ არჩევნებში 65,000 ხმა მიიღო და ნდებუტატი გაიყვანა; ეს არის მოსკოვის ერთგული ორგანიზაცია. ხოლო მეორეა «დამოუკიდებელი კომუნისტ. პარტია», რომელიც გასულ წელს გამოეყო პირველს და უკუაგლო მოსკოვის დიქტატურა, ჰყავს 3000 წევრი. არჩევნებში მიიღო 25,000 ხმა და 1 დებუტატი გაიყვანა. ორივე უმნიშვნელო ორგანიზაცია ს.-დემ. პარტიასთან შედარებით, რომელსაც 150.000 წევრი, 725.000 ამრჩეველი და 104 დეპ.ყავს. მარა, ვეროპის მუშათა მასების სულისკვეთების დამახასიათებელია, რომ «დამოუკ. კომ. პარტიამ» თავის უკანასკნელ კონგრესზე, გასულ სექტემბერში, ბევლუნდის მეთაურობით გადასწყვიტა 4 ხმის წინააღმდეგ, რომ მუშათა კლასის გაერთიანების ინტერესებისათვის გამართოს მოლაპარაკება შვეციის ს.-დემ. პარტიასთან ამ უკანასკნელში დაბრუნების შესახებ. ამავე გზას ადგას ამ პარტიის ახალგაზდათა ორგანიზაციები.

დამახასიათებელია, რომ აქაც, როგორც გერმანიაში, კომუნისტები თავიანთ ორგანიზაციების შეუწყვეტელ რღვევის შეჩერებას ცდილობენ რუსეთში გაგზავნილ მუშათა «დელეგატების» აგიტაციის მეოხებით. აქაც კომუნისტები იბირებენ ნაკლებათ შეგნებულ სოც.-დემ. მუშებს, გზავნიან კომუნისტებთან ერთად საბჭოთა სამოთხეში და დაბრუნებისას აკითხებენ რუს კომუნისტების მიერ ნაკარნახებ მოხსენებებს. მაგრამ ისტორიის მიერ განწირულ მოძრაობას ვერავითარი მიქსტურის შეშნაპუნება ვერ უშველის: როგორც შვეციელი სოც.-დ.—იული გაზეთი «სოციალ-დემოკრატიკი» აღნიშნავს, ს.-დ. მუშების დელეგატთ მიწვევა მოასწავებს მხოლოდ იმის აღიარებას, რომ კომუნისტების სიტყვას არავითარი ფასი და ნდობა არ აქვს მუშების თვალში. თითო-ოროლა გულბრუვილო თუ უფასო მოგზაურობის მოყვარე სოც.-დემოკრატის აყოლიება ვერ გამაბრუნებს გაკოტრებულ კომუნისტს და ვერ დაშლის მუშათა ნაცად რიგებს, რომელსაც სოც.-დემ. პარტია აერთებს.

ჩეხო-სლოვაკია. ჩეხიის სოციალდემოკრატია ჩეხო-სლოვაკიის რესპუბლიკის მთავარ დასაყრდნობ ძალას წარმოადგენს. მას ყავს უდიდესი ფრაქცია პარლამენტში, ის მონაწილეობს მთავრობაში, მის უხუცესს ხელმძღვანელს, მასარიკს, უჭირავს რესპუბლიკის პრეზიდენტის პოსტი, მის რიგებში იყრის თავს ჩეხიის შეგნებული პროლეტარიატის უდიდესი ნაწილი.

ბოლო დრომდე ჩეხიის კომ. პარტიაც, ვეროპის სხვა ქვეყნების კომპარტიებთან შედარებით, ძლიერ ორგანიზაციას წარმოადგენდა, კომინტერნის ცნობით გასულ წელს მას 130 ათასამდე წევრი ჰყავდა. მაგრამ ჩვენ კომუნისტებს აღმოაჩნდათ მოსკოვისათვის მიუღებელი თვისებები: შედარებითი «მემარჯვენეობა» და ერთგვარი დამოუკიდებლობის, საკუთარი გზით სიარულის სურვილი. და აი ზინოვიევიც კაი ხანია შეუჩნდა ჩეხებს და არ მოისვენა, სანამ ეს შედარებით სერიოზული კომუნისტური ორგანიზაცია დანგრევის გზაზე არ დააყენა.

კომინტერნის მეტოე კონგრესის შემდეგ მოსკოვის კარნახით ცენტრიდან გადაყენებულ იქნენ პარტიის ძველი მეთაურები, მათი ადგილი დაიკავეს მოსკოვის მორჩილ ახალგაზდებმა. ახალი ცენტრი დაადგა ზინოვიევის ხაზს, ე. ი. ძალდატანებითი პოლიტიკას ურჩების მიმართ. მან სხვათა შორის, პარტიიდან გააძევა ერთი ძველი ხელმძღვანელთაგანი, ბუნიკი, რამაც გამოიწვია ადგილობრივი ორგანიზაციების აჯანყება ცენტრის წინააღმდეგ. ვანსაკუთრებით ენერგიულათ გამოვიდა ბრნოს ორგანიზაცია. მან ამხილა საპროტესტო რეზოლიუციაში მოსკოვის მიერ დანიშნული ახალგაზდების ვინაობა: ვინ შტრეიკებენერი აღმოჩნდა, (კორნი), ვინ—ქურდი (მაცენაუერი), ვინ პროვოკატორი და სხვა და სხვა. ბრნოლებმა მხილება არ იკმარეს: ისინი დაესხნენ თავს ადგილობრივ პარტიულ რედაქციას, გააძევეს პოლიტიბიუროს მიერ დანიშნული რედაქტორი და მის ქალაგს თავისი კაცი დასვეს. ასეთსავე პროტესტებს და ჯანყს ჰქონდა ადგილი სხვა ადგილობრივ ორგანიზაციებშიც. პოლიტიბიურო დამარცხდა აგრეთვე პრაგაში. აქაურმა ორგანიზაციამაც მოსკოვის საწინააღმდეგო რეზოლიუცია მიიღო. წამხდარ საქმეზე ზინოვიევიც სინჯა მისი დამქაშების და ოპოზიციის მორიგება, მაგრამ ამაოდ: მორიგება არ მოხდა. პარტიის უდიდესი ნაწილი ოპოზიციას მიემხრო, გადადგა და პარტიიდანაც გამოვიდა მთელი რიგი პასუხისმგებელ მუშაკებისა. მია-

ტოვა პარტია აგრეთვე რამოდენიმე დეპუტატმა, რომლებმაც საკუთარი საპარლამენტო ფრაქცია დაარსეს.

ამ წლის განმავლობაში იქ დაირღვა ე. წ. დამოუკიდებელი ს.-დ პარტია, რომელიც შედგებოდა ორ ფრთისაგან. ერთი ფრთა, 7,000 წევრამდე წინეთ სოც.-დ—იდან გამოსული, უკანვე დაბრუნდა პარტიაში. მეორე ფრთა 3,000 წევრამდე ნაციონ. სოც. პარტიიდან გამოსული, კომუნისტებისკენ გადავიდა. რამაცისე ააქიკიცა კომუნისტური პრესა. ნამდვილათ ეს დიდს არაფერს შესძენს კომუნისტურ ლაშქარს.

ბ ე ლ გ ი ა. აქ კომუნისტების გავლენა ხომ მუდამ უმნიშვნელო იყო. მოსკოვი ბევრს ეცადა ფულით და ჩვეულებრივი ფანდებით გაერღვია ბელგიის მუშათა პარტიის სიმავრე, მაგრამ ვერაფერს გახდა. უკანასკნელ საპარლამენტო არჩევნებში, გასულ აპრილში, სოციალისტებმა გაიყვანეს 79 დეპუტატი და მიიღეს 820.650 ხმა (მეტი ვინემ რომელიმე სხვა პარტიაში; კომუნისტებმა კი გაიყვანეს 2 დეპუტატი და მიიღეს 34,147 ხმა. 1921 წელთან შედარებით ამ წლის არჩევნებში გამოცხადდა 149,194 ზედმეტი ამრჩეველი: ამითგან 99 ნახ. პროცენტმა ხმა მისცა მუშათა პარტიას.

ამგვარად, მუშათა პარტია აერთიანებს მთელ შეგნებულ პროლეტარიატს ბელგიისას.

თვით კომინტერნის მოწმობით, ბელგიის კომპარტიის წევრთა რიცხვი 600-საც არ უდრის.

ჩინეთის ამბები და სოც. ინტერნაციონალი. ჩინეთის უკანასკნელმა ამბებმა მიიპყრო მთელი საერთაშორისო პროლეტარიატის ყურადღება. მრავალ ქვეყნებში პროლეტარიატის პოლიტიკური და პროფესიონალური ორგანიზაციები თანაგრძნობას და სოლიდარობას უცხადებენ ჩინელ მუშებს.

სხვათა შორის ინგლისის მუშათა პარტიამ ტრედუნიონების მთავარ საბუქსთან ერთად მიიღო საპროტესტო რეზოლიუცია, რომელშიც მოითხოვს:

1. დაუყონებლივ მიღებულ იქნას ზომები ინგლისის მთავრობის მიერ ჩინეთის პროტებში შრომის დაცვის კანონების გასატარებლათ და დახმარება გაეწიოს ჩინეთის მთავრობას, რომელსაც აზრათ აქვს დააწესოს შრომის მფარველობის კანონმდებლობა და გააუმჯობესოს ჩინეთის მუშათა მდგომარეობა.

2. დიდმა ბრიტანეთმა აიღოს ინიციატივა საერთაშორისო კონფერენციის მოსაწვევათ, რათა გაუქმებულ იქნას ჩინეთში ექსტერიორიზაციის რეჟიმი.

ამერიკელი სოციალისტები მოითხოვენ შეერთებული შტატების მთავრობისაგან, რომ მან ხელი აიღოს ჩინეთში უცხოელ კაპიტალისტების მხარის დაქურაზე.

ჩინეთის ს.-დემოკრატიული პარტია თავის მოწოდებაში საერთაშორისო პროლეტარიატის მიმართ ამბობს სხვათა შორის:

„თეთრი იმპერიალიზმის გვერდით საბუქათა მთავრობის წითელი იმპერიალიზმიც თავის მხრივ ხელს უწყობს მახინციებს, რომლებიც სამოქალაქო ომს აჩაღებენ კანტონსა და იუნნანს შორის...“

„ჩინელი მუშები, რომლებიც მიუხედავთ რეპრესიებისა იწყებენ ორგანიზაციულად დარაზმვას უკუაგდებენ როგორც ბოლშევიზმის საომარ ქადაგებას, აგრეთვე ვერაზიდან და სხვა მხრიდან მოვლინებულ ომის მეთოდებს. მათი სურვილები მიმართულია სოციალისტური დემოკრატიისადმი. მთელ ჩაგრულ ჩინეთის ხალხთან ერთად ისინი მოითხოვენ თანასწორობას, სამართლიანობას და ზავს.“

საფრანგეთის ხოვ. პარტიის საგანგებო ყრილობა.

(14—15 აგვისტო)

მარსელის კონგრესის წინ შესდგა საგანგებო ყრილობა საფრანგეთის სოციალისტური პარტიის. გარდა იმ კითხვებისა, რომელიც წინ ედგა მარსელის კონგრესს, ამ ყრილობამ განიხილა მთელი რიგი საშინაო საკითხების. საფრანგეთის სოციალისტური პარტია ისეთ დიდ როლს თამაშობს ქვეყნის ცხოვრებაში, მას ისეთი გავლენა და მნიშვნელობა აქვს მოპოვებული, რომ ფართო საზოგადოება გულდასმით ადევნებდა თვალს მის მუშაობას. ძირითადი საკითხი იყო საკითხი კოალიციის. პენლევეს მთავრობის პოლიტიკა არავის არ აკმაყოფილებს. მასთან პარტიას მოუხდება შეტაკება,



რაც შექმნის საპარლამენტო კრიზისს. ასეთ პირობებში იბადება საკითხი კვალციის შექმნის და მთავრობაში მონაწილეობის.

პარტიის ერთი ფრთა რენოდელის მეთაურობით იცავს მონაწილეობის პოლიტიკას—დემოკრატიული რეფორმების გასატარებლათ და თავის დასაცავათ რეაქციისაგან, რომელიც ჯერ კიდევ ძლიერია საფრანგეთში. მემარცხენენი და ცენტრი შესაძლებლათ არ სცნობენ მონაწილეობას, სანამ პარტია კიდევ უფრო არ გაგამარგდება და არ გაძლიერდება იმდენათ, რომ ხელისუფლებას დაეპატრონოს.

ბრაკეს, ბლიუმის და სხვ. აზრით დღეს დამოუკიდებელი და ხელგახსნილი ყოფნა პარტიის უფრო სასარგებლოა დემოკრატიული რეფორმების გასატარებლათ და პარტიის მუშათა კლასში გასაძლიერებლათ.

წინეთ ასეთ პირობებში ყოველთვის ეძებდნენ ერთსულოვნათ რაიმე კომპრომისის მონახვას. ამ ქაშათ პარტია იმდენათ გაძლიერდა, რომ შეუძლია შინაური იდეური ბრძოლა უმტკივნეულოთ აიტანოს და პარტიის გავლენას და მნიშვნელობას არაფერი ავნოს. ამიტომ უმცირესობამ გამოსცა თავის შეხედულებების დასაცავათ ვრცელი რეზოლიუცია მანიფესტის სახით. უმრავლესობამ მიიღო დადგენილება მთავრობაში არ შესვლის, მაგრამ იგი მზათაა მხარი დაუჭიროს ყოველ წრფელ დემოკრატიულ მთავრობას, რომელიც გაატარებს ზავის პოლიტიკას. ფინანსების გაჯანსაღებას, სამართლიან გადასახადებს, სოციალურ დაზღვევას, სამხედრო და სასკოლო რეფორმებს.

მაროკოს საკითხში ყრილობამ გამო პენლევეს მთავრობის პოლიტიკა, და დაადგინა ომის კრედიტების წინააღმდეგ მისცეს ხმა. ამასთანავე აირჩია სპეციალური კომისია კოლონიალური საკითხის შესამუშავებლათ და მომავალ კონგრესზე წარმოასადგენათ.

კონგრესმა ერთხმათ გამოაცხადა პარტიის გარეშე დეპ. ვარენი, რომელმაც გენერალ-გუბერნატორის თანამდებობა მიიღო ინდო-ჩინეთში პარტიის დაუკითხავათ.

ყრილობამ აღნიშნა გაძლიერება პარტიულ ორგანიზაციების, წევრთა რიცხვის განსაცვიფრებელი ზრდა, რომელიც ამ ქაშათ აღწევს 108,000, ე. ი. სამი წლის განმავლობაში გაორკეცდა, და პირველი ადგილი დაიჭირა. უქანასკნელ დეპარტამენტების არჩევნებში პარტიამ მოიგო 55 ადგილი. წინეთ ყავდათ 85 ხმოსანი, ახლა ყავთ 135. ზრდა მით უფრო მნიშვნელოვანია, რომ კომუნისტებმა ამავე დროს დაკარგეს 2 წილი ხმების. ყავდათ 17 ხმოსანი, გაიყვანეს მხოლოდ 6. ეს უქანასკნელნი ამ რიგათ თითქმის ყველგან გაქრობაზე არიან, და მხოლოდ პარიზის მიდამოებში, სადაც წინეთ ანარქო-სინდიკალისტები ბატონობდნენ, ჯერ კიდევ ყავთ მიმდევრები, თუმცა ძალზე შეთხელებული. სოციალისტური პარტია უდავოთ ბატონდება მუშათა კლასში და პირველ ადგილს იჭერს თავის შეკავშირებულ წევრთა რიცხვით საერთოთ ყველა საფრანგეთის პარტიებში.

ს ა ქ ა რ თ ვ ე ლ ო მ ი.

«ჩვენი ერთობა». რედაქციამ მიიღო საქართველოდან მთელი რიგი მასალებისა, რომლებიც მოწმობენ ჩვენი პარტიის ენერგიულ, მწყობრ და ცხოველ მუშაობას. მათ შორის არის 5 დიდი მოწოდება. გამოცემული ცენტრ. კომიტეტის მიერ გასულ ზაფხულის განმავლობაში და გაზეთი «ჩვენი ერთობის» 26 მაისის ნომერი. გაზეთი შეიცავს მოზრდილ ფორმის 4 გვერდს. შიგ მოთავსებულია წერილები: «ავვისტო და მაისი», რომლიდან ამონაწერი მოყვანილია ჩვენ გაზეთში, «დამოუკიდებლობის აქტი», «26 მაისი», რომელშიც აღნიშნულია ამ იშვიათი ისტორიული დატის მნიშვნელობა. შემდეგ წერილი «ჩვენი გზა» არკვევს ჩვენი პოლიტიკის ძირითად დებულებას და განთავისუფლების პერსპექტივებს. «ავვისტოს გაკვეთილები», ეხება აჯანყებას და მის შედეგებს. შემდეგ მოთავსებულია მუშათა წერილები, ქრონიკა და დაბოლოს სტატია: «როგორ სწყვეტენ კომუნისტები ეროვნულ საკითხს». ფელეტონათ გადაბეჭდილია ნაწილი ნ. ე. წიგნიდან: «საბჭოთა წყობილება».

კამპანია დამოუკიდებელ კომიტეტის პროცესის ირგვლივ. ცენტრალურ კომიტეტს გამოუცია 3 ფურცელი დამკომის გასამართლების შესახებ, ერთი პროცესის წინ, მეორე—პროცესის დღებში, მესამე კი 5 ავისტოს—პროცესის

დასრულების შემდეგ, ფურცლები მოწმობენ, რომ პროცესმა, მიუხედავად დასურული კარებისა (არ დაუშვეს თვით «კაზინო») კომუნისტური პრესის წარმომადგენლებიც კი) ცხოველი გამომხატურება პპოვა მთელ საქართველოში.

მოგვყავს ორიოდვე პწკარი 5 ავვისტოს თარიღით გამოშვებულ მოწოდებიდან: «პროკურატურა დაიბნა, მსაჯულები პანიკამ მოიცვა, ერთმაც და მეორემაც და მათთან ერთად ოკუპანტების «მთავრობამ» უცებ საბრალმდებლო სკამზე დაინახეს თავისი თავი. სინამდვილეში ეს ასეც მოხდა... მშრომელმა ხალხმა კი მათ შესაფერი განაჩენიც გამოუტანა თუნდ იმ დემონსტრაციით და აღფრთოვანებული ოვაციებით, რომლითაც ხალხი შეხვდა სასამართლოს დარბაზიდან გამოყვანილ პატიმრებს პროცესის დამთავრების შემდეგ 3 ავვისტოს საღამოს».

გერმანელ მუშების დელეგაცია საქართველოში. ავვისტოს დასაწყისის საქ. ეწვია მორიგი დელეგაცია. ამ ახალ სტუმრებს ჩვენმა ც. კ. ვადასცა მემორანდუმი, რომელშიაც მიუთითებს მათ. თუ როგორ მოატყუილებიეს თავი კომუნისტებს წინანდელმა დელეგაციებმა (პერსელის, ინგლისის ქალთა, ფრანგ-ბელგიელ მუშების). ის აფრთხილებს მათ არ გაიმეორონ იგივე შეცდომა და აუწერს ნამდვილ სურათს საქართველოს მდგომარეობისას ოკუპანტების ტერორისტულ რეჟიმის ქვეშ. ბოლოს მემორანდუმში განმეორებულია წინადადება ანკეტის მოხდენის შერეული სოციალისტ-კომუნისტური კომისიის მიერ, და თუ ქართველ მშრომელთა ერთი მესამედი მაინც აღმოჩნდება ბლომევიკურ ოკუპაციის მომწონებელი, პარტია აცხადებს, რომ ყოველგვარ ბრძოლაზე აიღებს ხელს.

მემორანდუმს ც. კ. დაურთო «ღია წერილი», რომელშიაც სთხოვს დელეგაციას ერთი თავის წევრთაგანი გააყოლოს მემორანდუმის მომტანს და ნახოს მისი ავტორნი, რომ პირადი მოლაპარაკებით დარწმუნდეს დოკუმენტის შინაარსის სრულ სისწორეში. დელეგაციამ ამ წინადადების მიღება არ ინება. ის სავსებით დაკმაყოფილდა ჯალათების აზრის მოსმენით.

ამის გამო საქ. ც. კ. სპეციალური მიმართვა გამოგზავნა გერმანიის მუშათა კლასისადმი, რომელშიც ამხელს გერმანიის მუშათა სახელით მომქმედი დელეგაციის უღირს საქციელს საქართველოში და მოუწოდებს არაფერი დაუჯერონ ამ «დელეგატებს», რომლებიც მხოლოდ ორ დღეს და ისიც «კომუნისტური სათვალეებით» ათვალეებდნენ თფილისს.

სამივე აღნიშნული დოკუმენტის პირი ჩვენ ხელთ არის და მოკლე ხანში გამოქვეყნებულ იქნება უმთავრეს ევროპიულ ენებზე...

პარტიული ყრილობა საქართველოში. ამ რამდენიმე ხნის წინეთ შედგა საქართველოში საქარ. სოც.-დემ. მუშ. პარტიის ყრილობა, რომელმაც განიხილა მიმდინარე პოლიტიკური საკითხები და გამოიტანა გარკვეული დადგენილებები მემენტზე, ტაქტიკაზე, მუშათა კომისიაზე, მთავრობაზე, დანარჩენ პარტიებთან დამოკიდებულებაზე და სხვ. რეზოლუციები მოკლე ხანში დაიბეჭდება.

პოლიტუკი ტერორი. იენისის დამლევს ქუთაისში ჩეკისტებმა მიპარვით მოკლეს დამე ქუჩაში ტყვიით ორი წევრი ქუთაისის ს.-დ. კომიტეტის, ამხ. აღფაიძე და ფხაკაძე.

### დათიკო ლომთაძე.

ძნელია იმ აზრის შერიგება, რომ აღარ არის ის, ვინც რამდენიმე წლის განმავლობაში ხელმძღვანელობდა უსწორო ბრძოლაში ჩაბმულ ახალგაზდობას დამპყრობელთა წინააღმდეგ. ნუ თუ აღარ გვყავს ის, ვინც მთელი თავისი სიცოცხლე ქართველ მარქსისტულ ახალგაზდობის აღზრდას და დარაზმვას მონადროდა, ვინც მთელი თავისი ახალგაზდური ენერგია ერის და მუშათა კლასის განთავისუფლების საქმეს შესწირა!

ამხ. დათიკო ჯერ მეფის მთავრობის დროს ჩაება ახალგაზდა მარქსისტთა მოძრაობაში, და მალე მისი ერთი მეთაურთაგანი გახდა. თებერვლის რევოლიუციის შემდეგ ახალგაზდა მარქსისტთა ორგანიზაცია გაფართოვდა, და ამხ. დათიკომ თავის

ენერგია გააორკეცა. იგი იმ თავითვე ამ ორგანიზაციის ცენტრ. კომიტეტის წევრია და უურნალ «ახალი კვალის» ერთ-ერთი რედაქტორი. 1920 წლამდე ის ახალგაზდათა ცაკის თავმჯდომარე იყო და დაუღალავი ენერგიით ემსახურებოდა ახალგაზდობის პოლიტიკურათ აღზრდის საქმეს. საქართველოს დამოუკიდებლობის გამოცხადების შემდეგ ის სხვა მეტათ საპასუხისმგებლო სამუშაოსაც ასრულებდა, მთავრობის მდივანი იყო.

1921 წელს ქართველი ერის ტრადიციით მოზარდი სოციალ-დემოკრატის საქმიანობის და ბრძოლის ასპარეზი ერთი ათათ გაფართოვდა. დათიკო ამ ბრძოლაში ერთი პირველთაგანია და მისი უშუალო ხელმძღვანელობით მარქ. ახალგაზდობა მოწინავე პოზიციებზე დგას, შეურყეველის ენერგიით და ახალგაზდური გატაცებით. ბოლშევიკებმა იცოდნენ რა შეკავშირებული მარქსისტული ახალგაზდობის ძალა, იმ თავითვე ნიშნები ამჟღავნებდა ის და შემოსვლის უმალ დაუწყეს მის წევრებს საშინელი დევნა და წამება ჩეკისტების ხროვის და უღლეური «კომსომოლის» საშუალებით. დათიკოს, როგორც ამ ორგანიზაციის თავმჯდომარეს, პირველს ატუსაღაბენ, თუმცა ამ ხანათ მალე ახერხებს განთავისუფლებას და აგრძელებს თავის საყვარელ საქმეს. მეორეთ ის დაპატიმრეს სრულიად საქართველოს ახალგაზდა მარქსისტთა კონფერენციის წინ, 1921 წ. ზაფხულის გასულს, მიუხედავათ იმისა, რომ კონფერენცია მთავრობის მიერ ნება დართული იყო. განთავისუფლების შემდეგ ის მალე გადავიდა არალეგალურ ცხოვრებაზე. რადგანაც ორგანიზაციას წაართვეს ყოველგვარი ლეგალური მუშაობის საშუალება. მალე ის გავგზავნილ იქნა სტუდენტთა არალეგალურ ინტერპარტიულ კომიტეტში წარმომადგენლათ. სადაც ის სარგებლობდა დიდი გავლენით და ავტორიტეტით. მისი ხელმძღვანელობით ჩატარდა მოსწავლე ახალგაზდობის მიერ მოწყობილი რამდენიმე ცნობილი საპროტესტო დემონსტრაცია, საოკუპაციო ხელისუფლების წინააღმდეგ.

1923 წლის თებერვალში მას კვლავ ატუსაღაბენ პროვოკატორ ჩუბინიძის საშუალებით, რ რ ამხანაგთან ერთად. აქედან იწყება დათიკოს აუწერილი წამება ჩეკის ჯალათების მიერ. მას ათავსებენ ყოველათ საშინელ სარდაფეში, სადაც ჯოჯოხეთურ პირობებში და საშინელ წამებაში დაჰყო 29 დღე. მიუხედავათ ამისა ის, როგორც მოსალოდნელი იყო, მტკიცეთ დგას თავის ღირსეულ პოსტზე და თავის სიმტკიცით ჩეკის ჯალათებსაც კი აოცებს, მაგრამ ის ვახდა ამ საშინელების მსხვერპლი. მისი ისედაც დასუსტებული სხეული სავსებით მოშალა ამ ჯოჯოხეთურმა წამებამ და ის შეპყრობილი საშინელი სენით (ქლევით) ამოყავთ სარდადიდან. ამის შემდეგ კიდევ კარგა ხანი დაჰყო ჩეკაში, საიდანაც ის საგუბერნიო ციხის საავადმყოფოში გადაიყვანეს სრულიათ დასუსტებული და ღონე მიხდილი; მისი მდგომარეობა მაინც უარესდებოდა და ჩეკამ, დარწმუნებულმა, რომ ის საშიშროებას აღარ წარმოადგენდა, ნება დართო თავის ბინაზე გადაყვანის, თუმცა აქაც სავანებო მცველებათ ჯაშუშები ყავდა მიჩენილი. ამ დროს მოხდა ე. წ. «ახალგაზდა მარქსისტთა სალიკვადაციო კონფერენცია», რომელზედაც ყურით მორთული დელეგატები საქვეყნო ამხელენ თავის მოსყიდვას «ჩეკის» მიერ. ამშინაც ჩეკამ დათიკოს დანაშაულობა დანიხა და განარისებულმა ის კვლავ ციხის საავადმყოფოში გადაიყვანა. 1923 წლის ბოლოში მას ნება დართეს აბასთუმანში წასვლის.

ასეთ პირობებში ის მაინც ახერხებდა დირექტივების მიწოდებას ამხანაგებისადმი, რომელთათვის მის სიტყვას ყოველთვის დიდი მნიშვნელობა ჰქონდა. გასული წლის ავისტო-სექტემბრის აჯანყების დამარცხებამ ბევრი საუკეთესო ახალგაზდა გამოგვაცალა ხელიდან დათიკოს მიერ ბრძოლის ასპარეზზე გამოყვანილი. მათში ბევრი მისი პირადი ამხანაგიც. ეს პირდაპირ საბედისწერო შეიქნა მისი ჯანმრთელობისათვის. და ის ამ დღიდან თანდათან ჰრება. ამას თან ერთვის ჩვენი ორგანიზაციის სიმტკიცის და სიამაყის ძვირფას ამხ. ლაღო გიორგობიანის ჩეკის მიერ წამება და დახვრეტა. და 7 ივლისის იგი სამუდამოთ ხუჯავს თავის მიმზიდველ და მოსიყვარულე თვალებს.

ძვირფასო ძმაო დათიკო! უდროოთ გათხრილ საფლავში შენ ჩაიბრუნე ურყევი რწმენა, რომ სამართლიანობა კვლავ გაიმარჯვებს და ქართველი ერი დაიბრუნებს დაკარგულ თავისუფლებას! და კვლავ წმინდა ანდერძი «მეუპოვარი ბრძოლა მტარვალეების წინააღმდეგ ქართველი ერის და კაცობრიობის ბრწყინვალე გამარჯვებისთვის». და გწამდეს, რომ შენის ხელმძღვანელობით და შენს ვეერდით აღზრდილი მებრძოლნი ამას ურყევათ შეასრულებენ. ვსწუხვართ რომ შენი ცხეღარი საფლავადმისაც ვერ

მივაცილეთ და უკანასკნელათ ვერ გამოვეთხოვეთ. ბევრს ჩვენგანს ესეც არ გვარგუნა ბედმა, მაგრამ იცოდნენ, რომ კვლავ მოვალთ შენ საფლავთან გაშლილი დროშით ხელში და განარებით შენი იდეალების განხორციელებას, რომელსაც ზვარაკათ შევეწირე. ეს-ლა კი მშვიდობით საუკეთესო მეგობარო და ძვირფასო ამხანაგო შენ არასოდეს არ დაგივიწყებს შენს ამხანაგებთან ერთად ქართველი ერი.

30 ივლისი, 1925 წ. საფრანგეთი.

მ. ბ—ლი.

ი ლ ი კ ლ კ ე შ ა ლ კ ი მ ვ ი ლ ი .

ილ. კობალეიშვილი დაიბადა 1865 წელს სოფ. ეწერში (სამტრედიის რაიონი). ადრევე ის თფილისში მთავარ სახელოსნოში მუშათ შევიდა. აქ ის 1898 წ. სოციალ-დემოკრატიულ მოძღვრებას გაეცნო და თავიდანვე მოწინავე სოციალ-დემოკრატ—მუშათა შორის დიდი გავლენა მოიპოვა, როგორც საუკეთესო ორგანიზატორმა. 1900 წ. მოხდა რკინის-გზის პირველი გაფიცვა. ამხ. კობალეიშვილმა მასში აქტიური მონაწილეობა მიიღო. ის შეიპყრეს და სხვებთან ერთად სოფელში გაგზავნეს. ერთხანს შემდეგ ის თფილისში დაბრუნდა და კვლავ საარგანიზაციო მუშაობას შეუდგა. 1903 წლის დასაწყისში ის ქ. ბათუმში გაემგზავრა, აქ ის თავიდანვე სოც.-დემ. ორგანიზაციის ხელმძღვანელ ორგანოს წევრი იყო და მუშათა შორის განსაკუთრებული გავლენით და სიყვარულით სარგებლობდა. ბათუმის ქარხნების დახურვის შემდეგ ის თავის სოფელში დაბრუნდა და აქ გლეხთა შორის მუშაობას განაგრძობდა. როგორც მოწინავე და გავლენიანი მუშა, პარტიამ ის საქართველოს დამფუძნებელ კრების წევრად წამოაყენა. აქ ის მუშათა კომისიაში იღებდა აქტიურ მონაწილეობას. ერთ დროს ის «სხიველებისაკენ» ისრებოდა. მაგრამ საქართველოს ოკუპაციის შემდეგ მისთვის აშკარა შეიქნა, რომ ბრძოლაში გამობრძმედილი სოციალ-დემოკრატიული პარტია არის ერთადერთი ძალა, რომელიც კომუნისტურ დიქტატურას საუკეთესოთ შეებრძოლება, მუშათა ინტერესებს დაიცავს და საქართველოს თავისუფლების აღდგენას გზას გაუკაფავს. ამიტომაც იყო განსვენებულ ს. ჯიბლაძესთან ერთად პარტიაში მუშაობას განაგრძობდა და მას ეხმარებოდა.

საქართველოს მოღალატეებმა კარგათ იცოდნენ ილ. კობალეიშვილის შეურიგებელი ბუნება, მისი 28 წლის პარტიული მუშაობა და ხალხში გავლენა. ამიტომაც საქართველოს აჯანყების დროს ლოგინათ ჩაეარდნის მიზნით, რომელსაც 40 გრადუსი სიცხე ჰქონდა, სიცოცხლეს გამოასალმეს. ამიერიდან ის მთელი ქართველი ერისთვის სამუდამოთ უკვდავი შეიქნა.

თანამგზავნი.

კახე «ვოლტერ»-ის ინციდენტის გარშემო.

წერილი რედაქციის მიმართ.

ამხანაგო რედაქტორო!

ნება მიბოძეთ თქვენი პატივცემული ჟურნალის საშვავლებით უარვეყო ყოველგვარ ნიადაგს მოკლებული ცნობები, რომელსაც ავრცელებს ბოლშევიკური პრესა კახე «ვოლტერ»-ში მომხდარ ინციდენტის გარშემო.

კახე «ვოლტერ»-ში მომხდარმა ინციდენტმა, როგორც სჩანს, საკმაოდ შეარყია ბოლშევიკური ჭაობი, აასისინა გველები, ააყაყანა ბაყაყები. მათი გაზეთები ერთი მეორეს ეჯიბრება ტყუილების შეთხზვაში. პირველი ადგილი, რასაკვირელია, უჭირავს საბჭოთა რუსეთის წარმომადგენელ კრასინის მიერ დაქირავებულ მონარქისტ-ფაშისტ ვეშაპელის ორგანოს. კამათი იმ ორგანოსთან, რომლის სულის ჩამდგმელმა ფულში გაპყიდა სინდისი, პატიოსნება და, რაც მთავარია, თავისი სამშობლო—თავის დამცირებდა და შეურაცყოფა იმ მაღალი იდეის, რომლის განხორციელებისათვის ჩვენ ვიბრძვით. მაგრამ მის მიერ შეთხზულ ჭორებს თუ მაინც ყურადღებას ვაქცევთ, სახეში გვყავს ქართველი ემიგრაცია და საქართველოს ხალხი, რომელთა წინაშე ჩვენ ვალდებული ვართ ჭორები უარვეყოთ და სიმართლედ დავიცვათ. ამიტომ მე, როგორც ერთ მონაწილეთაგანს ამ ინციდენტში, მსურს სათითაოთ უარვეყო ეს ტყუილები.

ტყუილი პირველი. მთავარი ტყუილი, ყველაზე უფრო სახიზლარი და შავი ზრახვებით გაქლენილი არის ის, თითქოს ჩვენ «თავდასხმა» მოგვეცინოს სახლვარ-გარეთ მყოფ ქართ. პოლიტ. პარტიების ლიდერებისა და ჩაქ. დემოკ. რესპ. მთავრობის წევრთა «შთავონებით».

კატეგორიულად ვაცხადებთ, რომ არავის ჩვენზე არავითარი «შთავონება» არ მოუხდენია და არც შეეძლო მოეხდინა. ჩვენ ეს ნაბიჯი გადავდგით სრულიად დამოუკიდებლად, სრული ჩვენი პასუხისმგებლობით, ადგილობრივ პარტ. ორგანიზაციების და მათი ლიდერების დაუკითხავად; დაკითხვის დრო ჩვენ არ გვექონდა და, რომც გვექონოდა, არც დავეკითხებოდით. რადგან წინასწარ ვიცოდით მათი უარყოფითი დამოკიდებულება ასეთ ნაბიჯისადმი.

მაშასადამე, ჩვენ, ინციდენტში მონაწილენი, ვმოქმედობდით სრულიად დამოუკიდებლად და პასუხისმგებელნიც ჩვენა ვართ.

ტყუილი მეორე. ბოლშევიკური პრესა ქვეყანას არწმუნებს, თითქოს ჩვენ, ეგრეთ წოდებულ «თავდასხმელებს», გვეცემოს არა მარტო ვეშაპელისა და მის მსგავს სინდის გაყიდულ, სამშობლოს მოღალატე და ემიგრაციის გამხრწნელ ელემენტების სათვის, არამედ, თურმე არ დავეინდვია მოხუცები, ქალები და ბავშვებიც კი.

მართალია ჩვენს სამშობლოში ცეცხლით და მახვილით შემოჭრილ რუსულ ბოლშევიზმის დესპოტიურმა რეჟიმმა და მისმა ველურმა ბრძოლამ ელემენტარულ მოქალაქობრივ თავისუფლებისა და აზროვნების წინააღმდეგ ჩვენ, ახალგაზდები, იძულებული გავხვანდა მიგველო ზოგიერთი ბოლშევიკური ბრძოლის მეთოდებით მათსავე საწინააღმდეგოთ, მაგრამ ჩვენ ვიცით ზომა და ბოლშევიკური წინეობა იმდენით არ გადმოგვდებია, რომ მოხუცებს და ქალებს ფიზიკური შეურაცხყოფა მივყენოთ. ასეთი საქმეები მოიკითხონ საქართველოს ჩეკაში. ყოველ შემთხვევაში ჩვენ მოვითხოვთ მათგან დაგვისახელონ თუნდაც ერთი ჩვენ მიერ შეურაცხყოფილი ქალი ან მოხუცი. რაც შეეხება ბავშვებს, აქ მე მგონია, ამ ხალხს ცოდვა აღაპარაკებს. მათ უთუოდ ელანდებათ აჩრდილები იმ უშანკო ბავშვებისა, რომელიც მათ მიერ მხეცურად იქნენ ამოხოცილინი აჯანყების დროს. ძნელია, როცა ადამიანის სინდისი უშანკო ბავშვის მკვლელობით არის შერყვნილი. ხოლო რაც შეეხება ჩვენ, ჩვენ კრებაზე ბავშვები სრულგობით არ დაგვინახავს და რომც დაგვენახა ბოლშევიკები და მათ მიერ მოყიდული აგენტები ხომ არა ვართ, უშანკო ბავშვებზე ჯაგრი რომ გვეყარა? დმერთმა დაგვიფაროს ყველაფერში მათი მიბაძვისაგან!

ტყუილი მესამე. თურმე ნუ იტყვით «თავდასხმელები» შეიარაღებული ყოფილან რევოლუციონებით და რკინიანი ჯოხებით.

არც ერთ ჩვენთაგანს იარაღი არ ჰქონია არც «ნაბალდაშნიკიანი» ჯოხები.

ტყუილი მეოთხე. «თავდასხმელთა» რიცხვი თურმე ორმოცს აღემატებოდა, ხოლო კრების მონაწილეთა რიცხვი 20 კაცს ძლივს აღწევდა.

მე არ ვიცო რამდენათ სასარგებლოა ჩვენი მოწინააღმდეგეებისათვის ჩვენი სიმარაღისა და მათი სიმცირის დამტკიცება. იქნებ ამ ტყუილით ბოდიშს იხდიან: ცოტანი ვიყავით, თორემ გიჩვენებდით სვირსო! მაგრამ რად გვესაჭიროება ეს ტყუილი! ჩვენ დასამალი არაფერი გვაქვს. ჩვენ ვიყავით სულ 19 კაცი. რაც შეეხება კრებაზე მონაწილეთა რიცხვს. უცატრავათ პასუხია «ამხანაგ» მიწიშვილის სიას თუ რაიმე დაეჯერება—40-დის აღწევდა.

ტყუილი მეხუთე. ეს შემეხება პირადად მე. ბოლშევიკური პრესა ჩემს შესახებ ერთხმად აცხადებს, თითქოს მე «ყოფილი ს.-დემ. ცეკას მდივანი»(?) დღეს თანადროულად ვარ «თეთრი გიორგის» წევრი და საქ. სოც.-დემ. მ. პ. პარტიის ჯგუფის კომიტეტის მდივანი.

ცეკას მდივანი მე არასდროს არ ვყოფილვარ, რად ესაჭიროებათ ან რად გამოადგება ბოლშევიკებს ჩემი «დიდ» კაცათ გამოყვანა? მე მგონია ასეთი მტკნარი ტყუილებით ს.-დემ. პარტიას ვერაფერს დააკლებენ. მხოლოდ თავის თავს კი შეირცხვენენ. რაც შეეხება «თეთრი გიორგის» წევრობას, სიმართლის აღდგენის მიზნით მე უნდა განვაცხადო რომ «თეთრი გიორგის»-ს წევრი არც ვყოფილვარ და არც ვარ. ჩემი უმორჩილესი თხოვნაა «თეთრი გიორგის» სადმი—დამიდასტუროს ეს განცხადება.

მე ვიყავი საქ. სოც.-დემოკრ. პარტიის პარტიის ჯგუფის ორგანიზაციის კომიტეტის მოღარე და არა მდივანი. აი ეს არის სიმართლე. მაგრამ ტყუილად გონია ბოლშევიკურ პრესას ამით დიდი საბუთი იშოვა სოც.-დემ. პარტიის «მონასპობათ». მე მო-



ნაწილდება მივიღე ამ ინციდენტში არა როგორც კომიტეტის წევრმა, არამედ როგორც სრულიად კერძო პირმა. ქართველმა მოქალაქემ და პატრიოტმა. კომიტეტმა ამის შესახებ არაფერი იცოდა.

მე კარგათ ვიცოდი, რომ ჩემი ეს ნაბიჯი ეწინააღმდეგებოდა ჩემი პარტიის პრინციპებს, ტაქტიკას და ტრადიციებს, მაგრამ მე არ მქონდა საშუალება წინდაწინ გავსულიყავი კომიტეტიდან. ამის დრო მე არ მქონდა. ინციდენტი მოხდა უეცრათ და მოულოდნელათ. რაც წინასწარ შეუძლებელი იყო. ის მე შევასრულე ფაქტის შემდეგ. მე არ დავეუცადე ამხანაგების მსჯავრს და ამა წლის 15 აგვისტოს თარიღით შევიტანე საქარ. სოც.-დემოკრ. პარტიის პარიზის კომიტეტში განცხადება ჩემი გადადგომის შესახებ კომიტეტის წევრობიდან.

პატივისცემით ალ. ლოდინელი.

პარიზი. 15 აგვისტო, 1925 წ.

გ ა მ ო მ გ ე მ ღ ე ბ ა უ ნ ხ ე გ თ შ ი .

ინგლისის ტრედ-უნიონების დელეგაცია და საქართველო. აგვისტოში გამოვიდა ფრანგულ, ინგლისურ და გერმანულ ენებზე ბროშიურა: «ინგლისის ტრედ-უნიონების დელეგაცია და საქართველო», გამოცემა საქართველოს სოც.-დემ. მუშ. პარტიის სახლარგარეთელ ბიუროსი.

ბროშიურას დიდის ინტერესით შეხვდა ევროპის სოციალისტური წრეები, განსაკუთრებით ინგლისში და გერმანიაში, სადაც ე.წ. «მუშათა დელეგაციების» მოგზაურობა საბჭოთა ქვეყნებში აქტუალურ საკითხს წარმოადგენს. ინგლისურმა, გერმანულმა და ავსტრიულმა გაზეთებმა ბიბლიოგრაფიული წერილები უძღვნეს გამოცემას.

«დოკუმენტები საქართველოს საკითხის შესახებ ერთა ლიგაში». საქართველოს რესპუბლიკის საელჩომ პარიზში გამოსცა 68 გვერდიანი კრებული ფრანგულ ენაზე: «დოკუმენტები საქართველოს საკითხის შესახებ ერთა ლიგაში». კრებული შეიცავს ყველა დოკუმენტების ასლს, რომელიც ერთა ლიგას გადაეცა საქართველოს მთავრობის ან მისი წარმომადგენლების მხრით, აგრეთვე, ერთა ლიგის ყრილობების და კამისიების იმ სხდომათა ანგარიშებს, რომელზედაც საქართველოს საკითხი ირჩეოდა.

«ტერორი სოც. პარტიების წინააღმდეგ რუსეთსა და საქართველოში». სოც. მუშათა ინტერნაციონალმა გამოსცა გერმანულ ენაზე წიგნი: «ტერორი რუსეთსა და საქართველოში», წიგნის მეორე ნაწილი (60 გვერდი) ასწერს ტერორს საქართველოში კომუნისტების შემოჭრის პირველ ხანებიდან გასული წლის ბოლომდე. წიგნის ეს ნაწილი შეიცავს შემდეგ თავებს: წინასიტყვაობა. 1) ჭერა. 2) რეპრესიები მუშების და გლეხების წინააღმდეგ. 3) კომუნისტური პარტიის როლი რეპრესიებში. 4) ჩეკის საგმირო საქმენი. 5) საქართველოს შერთება საბჭოთა რესპუბლიკების კავშირთან. 6) ჩეკისტებს სისხლი სწყურიათ. 7) აჯანყება და მისი სისხლში ჩახრჩობა. თვითეული თავი დასაბუთებულია უმთავრესათ კომუნისტურ პრესიდან ამონაწერებით და სხვა ბოლშევიკურ დოკუმენტებით.

დ ა ს მ ა რ ე ბ ა « ბ რ ძ ო ლ ა » - ს .

რედაქციამ მიიღო დახმარება:

- ოდნეკურში მომუშავე ამხანაგებისგან 140 ფრანგ. ფრანკი.
- პრავის ორგანიზაციისგან . . . . . 500 ჩეხური კრონა (300 ფრანკი).
- ამს. ს. ი.—სავან . . . . . 5 გერმანული მარკა.
- ამბ. პ. ი.—სავან . . . . . 15 ფრანკი.

Rédaction et Administration: Le Gérant: G. - A. Bernard. D. Charachidsé, 2, Rue Perceval. Paris, 14.